

DISSERTATIO

DE IDOLO HALLENSI.

IVSTI LIPSI mangonio & phaleris
exornato atque producto.

Auctor est Petr. Denaisius. vide Bo
Disert. de Politic. Lyp. p. 53 Melch.
mus in Vitis Ictur. p. 447. Boeckl. Dr.
Politic. II. p. 320.



M. vjC. V

20

ARNOBIUS Lib.VI.

Quid fieri potest iniuriosius, contumeliosius, durius, quàm DEVM alterum scire, & rei alteri supplicare? opem sperare de numine, & nullius sensus ad effigiem deprecari.

LACTANTIUS Lib.II. Cels.XIX.

Non est dubium quin Religio nulla sit, ubicunq; simulacrum est.

ORIGENES Cont. Cap.VII.

Impossibile est, ut qui DEVM novit, supplex fiat STATVÆ.

DISSERTATIO
DE IDOLO HALLENSI,

IUSTI LIPSI
mangonio & phaleris exornato
atque producto.

PROLOGVS.

PRIMUM omnium si quis est, quem usurpatum nobis
Papistæ nomen offendat, cum scire oportet, non personatâ
nos fabulam dare, nec histriones in scenam producere, qui
ora oscillis velent, & sub vegrandi falsoque Catholici cognomi-
nis cortice fallant,

— cuius pallentis hiatus

In gremio matris formidet rusticus infans;

sed quibus studium rem seriam agere seriò, & veritatem exhibere
nudam, qui illi habitus ut naturalis, ita solus lōgè decentissimus.
A capite suo nomen utrique fecimus, illi Christiano, huic Papi-
stæ. quid æquius, quàm unde totius corporis membra sigillatim
spiritum & incrementum ducant, inde ut sortiuntur & notam no-
menque? Quid; quod sunt, qui non solum adgnoscant, sed & ja-
ctitent? nec hi tam pacati mitésve, ut injuriam mussare, quàm mi-
scere cuncta & perdere malint, sed factiosi, & belli rubæ facesque.
Quibus si credas, & tantisper risum teneas, Papa nihil est aliud,
ipsa vi & notione vocis, quam *pater pastorque totius orbis Christiani*
perpetuus. Et Papista igitur perpetui patris pia soboles, & tanti pa-
storis dignus alumnus: lapsique per imprudentiam an arrogan-
tiam plærique veterum, atque in his B. Cyprianus, qui, quod Pa-
pæ superbum est nomen & nimium potens, adgnovit, & Papæ quidem

Eph. 4. 15.

Burckh. de
Autonom.
par. 3. cap.
5. in f.

In vita Cy-
priani.

* Christianorum: cùm nec Orbis, nec perpetuus, nec Romæ adeò,
verùm in urbe Romanæ olim æmulâ, sed ob id ipsum,
deletâ, pastor paterque audiret. Sed de No-
mine satis & super : Rem putate, &
quid hic aut ille ferat, eò
aures animumq;
aduortite.

CHRI.

QUID istud nouæ librorum supellectilis, Francofurto, vt viderut, è proximis nupet nundinis aduectæ? qui verò illi duo insigniores, & præ ceteris cōspicui, formâ amplâ & regiâ?

CHR. Contemplantur frontes, & in his picturas, qui imaginibus ducis.

Pap. Quid tibi cum imaginibus, quas nominare soles Magistros vanitatis?

Chr. Non tam ego utiq; quàm Spiritus Sanctus. Sed hæc al- Ier. 10. 8.
terius generis pictura est, & symbolum argumentumq; libri. Viden' tu Solem illum, vt plus à caligine, & longæ noctis tenebris, quæ nimis diu se pserant & obsederāt cæcas mortalium mentes, splendore puro illustret nostrum orbem, & fumorum ac nebularum malas merces amandet ad eos, quos.

Sub pedibus Styx atra videt, monesq; profundi? Quorum opportunè detectæ non ita pridè sedes, & via strata institutoribus Papalibus Iesuitis: quâ vitreas suas exportēt exponantque pro gemmis, faciliùs ibi decepturi.

Semper ubi optenta deusantur nocte tenebra: simul proselytorum nouas copias scripturi, præsidium fulcrumque inclinatæ & ad lapsum iam pronæ rei Romanæ.

Pap. Solens tuo more facis, cùm & Papam sannis, & fortes eius athletas cōtumeliis incessis. Sed si ego istos benè novi, nã quàm illi. Soli huic tuo haud multorum dierum inducias dabūt, quin admoto luculento Patrum foco, lumine clariore obscurant eius nō tam flammæ, quàm fumos, è scripturæ potissimum cortice, & viridanti stipulâ, culmo, fœno malè excitatos,

Vdos cum solis ramos vrente camino.

Chr. Imò verò, quid illi per hos annos intentatum reliquerunt, quo tantam lucem si non restinguere aut obnubilare, at in-
tuentibus oculos effodere possent. Sed cùm impetum omnem in

carpendâ & vellicandâ pelle effudissent, solido dentes illidere nō ausi; sibi ludibrium, libro quidem auctoritatem conciuere intermeratam atque æternam.

Pap. Age verò, quæ illa alterius libri imago?

Chr. Mulieris puerum vlnis gestantis, non mysticæ illius, Apoc. c. 12. quam B. Iohannes prospexit quādoq; cessuram immanitati atq; insidiis purpurati Draconis, & latituram ad tempus in locis; sed cuiusdam ligneæ sesquipedalis, quæ illius ipsius Draconis auspiciis, dum impotentissima eius regna vigeant, Hallis in sacrario quodam dedicata, & in densissimâ barbariei & superstitionum nocte, pro numine culta, nunc quoque in hac optimarum litterarum, & Euangelii clarâ luce, tamquam Dianæ olim Ephesiæ delapsam à Ioue simulacrum, Demetrium suum reperit, qui pari confidentiâ Apostolicæ de Christo prædicationi obstreperet; & magnitudinem Deæ magnâ ad populum vociferatione intonaret atque extolleret.

Lips. in D.
Virg. c. 5.
in f.

Pap. Cordatè ille quidē, & in tēpore, quisquis est, qui Diuos Diuorumq; sanctas imagines, *quia multi hodie etiam Christum profissi, obstrigillant eorum honori aut cultui, extra ordinem asserit; & quas abijciunt alleuat, quas obtenebrant, illustrat, maximeq; D. Virginis, in quam de compaeto incurrere videntur, & decus eius omne ire imminutum.* Neque vereor, ut Demetrius iste, quem dicis, poliorceticis non satis instructus accesserit ad solidandam basim suæ statuæ, & restituendum illi veterem cultum decusque.

2. Reg. c.
9. 30.

Chr. Scin' quàm in tempore? tam hercules quàm Iezabel triumphantem de regiâ suâ tyrannicidam despectura, extremo caput infauistū fuco atque omni lenocinij genere compsit; quò scilicet periret ornator.

Pap. Hem impietatem! Tēne imaginem B. Virginis, Christi servatoris nostri Deique æterni gloriosæ parentis, modò cum simulacro Dianæ, modò cum ipsâ Iezabele conferre; & non expavescere vindicē Filium! Quid est sacra prophanis, coelum terræ, Christum cum Belial miscere confundere, Deo Diuisque illudere si hoc

re, si hoc non est?

Chr. Ne Metue, & caperatam frontem crebrioribus crucibus quàm rugis inarare parce. Lignum illud Hallense, nihil mihi præter lignum. Cui qui Beatae Dei genitricis nomen numenque; adfixere, hi sunt qui sacrata nostræ Religionis jura reuulserunt; iniurii in matrem, impii ingnatum, transfugæ à Creatore ad creatarum rerum vilissimas, lapides & ligna, & quo id quæso auctore, nisi eo ipso, qui etiam Gentes ab initio *docuit imagines & simulacra fingere*, ut monet Lactantius? aut cui tandem fini, nisi ut eandem sub aliis nominibus personisque fabulam ageret; atque *ut qui Daemonum cultum reliquerant, si sanctorum imagines venerari jaberentur, viderentur non tam Idola reliquisse, quàm simulacra mutasse*, quemadmodum Agobardus Episcopus Lugdunensis scriptum reliquit, suo, id est, Imp. Ludovici Pii tempore?

Divin. instit. lib. 2. c. 17. in pr.

De pictur. & imag. p. 237.

Pap. Scio hæc ita disputari à vobis solere, proteruè magis quàm religiosè, aut ex instituto & more majorum. Sed his tu nunc missis, auctores istos mihi geminos ede.

Chr. Viri sunt ambo memorabiles, & in suo quisque genere prorsus incomparabiles. Alter enim belli pacisque artibus, & amplissimis apud suum Regem meritis honoribusque; insignis, ingenium divinum ad divini codicis, veterumque interpretum monimenta excutienda contulit, eâ dexteritate & fide, ut peruestigatis solertissime sigulorum Papalium errorum incunabulis atque incrementis, larvam iis, personamque antiquitatis, quâ tam falsò quàm insolenter tumetis, detraxerit. ut faceffat tandem quæstio insulsa, quo temporis momento Romani Pontifices à primorum Episcoporum & Ecclesiæ Catholicæ fide aberrarint vel defecerint? Homines inepti! qui negaturi videntur senem longis laboribus, morbis annis fractum debilitatumque, minus nunc bellè quàm olim juvenem valere, nisi certum designetur momentum temporisque punctum, quo ex vegeto & valente imbellis ac decrepitus decrepente prodierit, ignari per gradus medios, aut cliuos ab imo ad summum adscendi; & sicut corporis, ita animi vitia furtim obrepere.

pere & cumulari. *Nemo repente fuit turpissimus*, ait Satyricus, & tempore opus est, ut ex pastore fiat lupus, paulatim semelque;
In villos abeunt vestes, in crura lacerii,
Fis lupus, & veteris servas vestigia formæ.

Alter verò in omni politiore litteraturâ eruditorum longè princeps, scriptor exactissimus politissimusque, utinam quam in artibus humanioribus, ipsâque philosophiâ prætulit nobis germanæ atque incorruptæ antiquitatis faciem, eam ipse adhibuisset in rebus divinis. In quibus scitè vereque Tertullianus, *id verius quod prius, id prius quod & ab initio, ob initio quod ab Apostolis*. Matthiam Hunniadè probat, qui in re militari disciplinæque bellicæ antiquitatem laudavit, *non quæ quingentis istis, aut sexcentis annis continetur sed Romanorum illud priscum ævum*. Idem in linguis stilos, historiâ, sapientiâ. Cur in Religione ad facta Patrum & religiosissimorum scilicet maiorum nos reuocaturus, exempla mendicatur ab his proximis trecentis annis, quibus nulla fuere umquam sæcula, vel litterarum omnium fœdâ ignorantia deformiora, vel morum maximeque inter sacri ordinis homines licentiâ & depravatione contaminiora? Cur Monachorum non ita pridem exorta somnia & deliramēta, pro genuinâ antiquitate supponit, meram si ad Christi, Apostolorumque, & multa exinde sæcula conferas, novitatē, meras feces? Cur non se audit, commendantē alibi Ordines fœderatos, quod *institutâ nupar scholâ* (Leiden siquæ Theologicis cum primis studiis dicata) & *revocatis iis artibus, quas superiorum temporum vel calamitas vel Calliditas Potius reieciisset, locum esse voluerint huic Soli, qui tenebras illustraret caliginosi illius, & Varia Opinionum nube involuti ævi?*

Pap. Iustum Lipsium ex veris, minimeque in vanum flexis præconiis agnosco. Et gaudeo equidē talem tantumque virum, desertæ, uti rēbare quidem, à modestis probisque viris causæ patrocinitum suscepisse. Sic enim memini te sæpenuerò dicere, Et huius, & consimilium aliquot præterea errorum, tam perspicuam esse vanitatem & superstitionem, ut eorum ipsos Pontifices præ-

Aduers.

Marc. lib.
4. c. 5.

Ad Belg.
cent. 1. ep.
21.

In dedicat
Comment
ad Tacit.
editâ anno
M. D.
XXCI.

eis præcones ac parasitos, non tantum piguerit ab initio, verum etiam puduerit: nihilque tum crebrius in ore, & in omni sermone habuerint, quam tollendos videri Ecclesiæ qui surrepsissent morbos atque abusus. Nimirum ut Medea capiti consulendum putavit iacturâ disceptorum fratris artuum & membrorum, sic istis leue fuisse dictitabas, iactum facere ludicrorum aliquot aut inanium impedimentorum, ut saluo capite Capitolioque, naufragij discrimen vltimum evitarent. Nec mirum, si qui in recentes & præferoces Lutheri sociorumque impetus, ac velut insidias, incauti præcipitarent, loco cessare parumper. Sed sicuti accidere crebro videmus, ut primam aciem nutantem, jamque in fugam prolapsam, ac poenæ fuscâ, superuenientes integri restituant, & vi maiore in hostem obuertant: sic Iesuitæ, tempore nouus & collectitius miles, vsu veteranus & verè triarius, cunctatione conditionibusque omnibus animosè excussis, & quæ molliores illi dederant receptis, pugnam ita redintegrarunt, ut vobis deinceps non minus desudandum sit circa imaginum penulas, & cucullos coloresque Monachorum, quam olim in tuendis aris focusque.

Chr. Est ita ut dicis, Nam ut non solum eas mulieres, quæ heri vel hodie peccandi initium fecere, sed & quæ longo vsu consuetudinē habitumque induere, peccati tamen sui pudet, adeo ut

Abcondant spurcas & monumenta lupas;

postquam semel excussus est attritâ de fronte rubor, tum verò impudicitiam profitentur palam, fiuntque benè & gnauiter impudentes, quin & tantum non iactant, ac iram atque animos à crimine sumunt: Sic principiò deprehensâ à paucis Babylonîâ meretrice in flagitiis & obscœnitate, pudor aliquis superfuit adhuc in rebus; Ex quo cum iis quos præuidit B. Iohannes, nefando complexu constrictâ atque irretitam totus Orbis conspexit, tum verò necesse fuit existere vel de inferis, noui ordinis sacerrimos istos Monachos, qui animo firmati, & frontem triplici ære vallati, omnem turpitudinis infamiam, audaciæ magnitudine & perseverantiâ discuterent. Scis nobile celeberrimi Cardinalis apoph-

Seid. li. 12
Cassander.
alii.
Caroli V.
interim. in
præfat. *
pen. & vlt
& cap. vlt.

Apoc. c. 17

Leg. C. L.

Macchiav.
in Princip.
c. 18.

thegma, Mendacii vim in pertendendo constare, præsertim si religionem & execrationes sagaciter admisceas, quas ad fallendum efficacissimas voce & exemplo docuit vir Papatu dignissimus Alexander vi. Hispanus.

Pap. Esto nunc de his vt libet. At Lipsij spectata omnibus, & digna tali ingenii ac doctrinæ apice modestia, probitas, cando & fides, omnia ad priscum morem modumque, qui fieri possit, ut in re tanti momenti imposturâ tam exitiabili vteretur, & non jam pro virgine cervam suppositû iret, sed quod tu vis, pro Deo truncum? Nisi existimas fortassis, vel in legendis Patribus studiû, vel intelligendis iudiciû illi deesse.

Chr. Neutrum istorum, omnia in illo viro summa, sublimia, admiranda. Nec modestiam quidem nisi ægrè ademerim. De fide vt addubitem, causa est gravis, & rerum certa argumenta.

Pap. Nempe contra animi sui sententiam scribere hæc talia vis, & fallere scientem.

Chr. Hoc ipsum, & adderem lubens, etiam inuitum,

Pap. Cedò, quis illum cogit?

Chr. Quis, nisi ille, qui non rectè eminere diceretur supra omnia humana atque diuina, nisi quid quid est vsquam magnû excelsumque calcaret pedibus; & non tantum de imperiis, sed & de ingeniis subactis triumpharet? Tum de inde tu Iesuitæ, quibus qui à nobis deficiunt, numquàm satis perfradent, bonâ se fide ad eos transgressos, absque eius modi pignore, quod nec re-lui pretio, nec retrocari resipiscentiâ possit. Hi quas ab eo sincerè transfugii arrhas poscant, ipsius passim indicio cognoscas.

Pap. Abi, nec vera dicis nec vero similia. quæro enim, primum eccui bono, excessisse ex locis liberis, ut subiret jugum tam acerbæ servitutis, quâ etiam lingua & stilus alieno arbitrio manciparetur? An vt opes adsequeretur, vel honores? quos amplissimos certatim sibi delatos, hodieq; spernit. An vt gratiâ & auctoritate valeret, siue apud magnates, seu optimum & eruditissimum quæque valuit. An famam captavit, & celebritatem nominis? habuit,

& sine

Misc. ep. f.
Ad Ital. ep.
6.

& sine inuidiâ summam. Deinde vt his rebus flecti trahiue alius posset; non tamē Lipsius, qui ab ineunte ætate non linguâ magis aut ingenium, quàm mentem excoluit; qui se semper meliorem, quàm doctiorem clariorem ue efficere studuit: cuius verâ philosophiâ duratum, & supra omnia humana assurgentum animum atque ardorē, ipsa eius scripta vbique spirant, ipsique adeo lectori quoque sensu quodam occulto inspirant.

Chr. Respondebo ad utrumque. Et primum, cui bono fuit, Ciceronem relicto Pompeio, & causâ libertatis, transire ad Cæsarem, & tyrannidi sese subdere nulli magis inuisæ? Neque enim huic quoque cæterarum rerum, quas homines pro maximis habent & adfectant, vlla deerat, res, honor, dignitas, auctoritas, cliētæ, eloquentiæ & rerum gestarum fama, atque celebris per orbem terrarum gloria, & gratia apud omnes bonos illibata. Quid igitur est? Quod plerique facit, animum inclinauit quò propendere cernebat fortunam: & maluit cum Diis adhærere causæ victrici, quàm cum Catone victæ. Nec enim fallebat exitus prudentissimum senem, si nihil spectasset præter Duces partium, qui

Non cõiere pares. Nunc tu mihi considera tempus illud, quò Lipsius secessionem à suis Batauis fecit, castra secutus, vt videbatur, feliciora, certè potentiora. Floruerat eò vsque in Belgio res Hispana magnis successibus; & cerratim oppida, seu vi, seu astu, partim proditione etiam, vel deditione redierant in ius ditionēq; Regis. Sed tum maximè de rei summâ in Galliâ certabatur, quæ ita coniuratorum factionibus discerpta, ita Hispanicis armis opibusque oppressa tenebatur, Rege à Theologis suis non minus quàm Papâ interdicto, à Senatibus proscripto, ab oppidis maioribus deserto, ipso Regni capite Luteriâ Parisiorū, eodē illo anno cl. l. xci. à xvi viris qui tum ibi rerum potiebantur, Hispaniarū Regi per litteras delato deditoque; vt oculatissimus quisque (talis Lipsius) actum conclamatumque de eâ, & consequenter de Belgis fœderatis crederet. Nam quin vna dies ambobus populis funesta futura, & utramque datura ruinam esset, Lipsius quidem num-

Li. 1. ep. 71

Lib. 1. de
Constant.
cap. 16 in f.

quàm dubitauit, cuius en tibi iudicium decretumque: *De Republ. nostrâ non vanè asseris, pendere eam ab alienâ. Ita est in Galliâ certamè nostrû cernitur: & qui ibi exitus, expectandus & nobis. Vt cymba magna alicui navi annexa, ita nos Gallia sumus.* Imo plæraque adeo Europa. Quæ verba si confers cum illis alibi, *Fallor enim? an Solè nescio quem noui Imperij surgentem video ab Occidente?* non miraberis vltrà, nec causam quæres, cur Lipsius vel eos destituerit, quorum tam propinquum præsentiebat fatû, vel iis sese aggregarit, quorum augurabatur potentiam atque imperium complexurû Europam. Itaque sensus de Religione sucs intimos, quoad vixit in Batauis, studiosè pertinaciterque pressit, memor & superioris tēporis exemplis edoctus, quid ei à feritate Hispanâ, si quandoque superior foret immineret. Nunc nihil est in partibus illis tam vanum, superstitiosum, anile, absurdum, quod non præ se ferat, profiteatur, laudet, propugnet, Nimirum nullum vltra silentij præmium, aut vocis periculum ab iis, qui hanc oris libertatem vindicare nec possunt si velint, nec si possint volunt.

Iam de philosophiâ & animi tranquillitate atque constantiâ, si eam scriptis suis expressit Lipsius; multi itidem alii, in quorum numero & Cicero: nec tamen magis, quàm Imperator Iulianus ipsis moribus, totâque adeò vitâ. Neque hoc secius vterque desertor extitit, hic causæ quam professus foris fuerat, ille quam intus probarat: At Lipsius vtriusque.

Pap. Neque Cicero causam quam probauerat semel, postea damnauit, desertus ab eâ potiùs quàm desertor: neque certè Iulianus seriò vnquam Christo nomen dedisse videtur, et si metu Patruelis aliquamdiu simularit. sed Lipsius nec professus aliam Religionem est, neque probauit, præter eam cui firmiter hodieque insistit, priscam probamque. Nisi tu fidē habes fortassis, nescio cui oratiunculæ, sub eius nomine vulgatæ, *de duplici concordia*, quam ille nec agnovit, & falsi perspicuè conuicit.

Chr. Mirum quin agnoscat! professus pridem, *Nihil suum esse, quod non de autographo suo seque volente sis expressum.* Quid si ab

In præfat.
ad Lector.
lib de Cru-
cc,

co

eo dictatum; aut ex autographo descriptum præter eius assensum? agnoscet, an inficiabitur? istud utique & maximè, si præter Religionem moresque veterum, cuiusmodi ista nunc videri vult. Atenim sicut æquum est morem illi hætenus geri, ut *subitaria & qua non censuit dedicanda in memoria templo*, ipso inuito ne edantur: ita quod semel scripsit, dixit, sensit, scripsisse, dixisse, sensisse nequaquam desinit, siue efferantur, siue non. Neque veritati præiudicium facit aut ipsius negatio, aut error exscriptoris in die vel consule, cum supersint etiam qui vindicare eam atque adferere suo testimonio valeant. Iam verò quid respondebit ad alteram illam orationem Ienæ itidem à se habitam in obitum Iohannis Guilielmi Saxonæ Ducis, ibidemque non pridem iterum editam? in quâ de bello Smalcaldico locutus, *causa bonitatem à Saxone, fortunam & Martem ab Imperatore stetit* dicit. & ulterius deinde prouectus. exclamat intrepidus, *Saxoniam generosam stirpem, ad Dei hostes extirpandos, errores euerandos, Pestem Pontificiam excindendam, donatam diuinitus & concessam Ecclesiæ esse.* & mox, Principum illum *non mendacem superstitionem, sed Veram Euangelii doctrinam, non tenebras sed lucem, non mendacia sed veritatem induxisse.* &c. Huius ipse orationis meminit apud amicum, & vulgaturum negat, habitam non dissimulanter adfirmat. Nec protestatio illa superior efficiet vñquàm, ut factum hoc infectum, dicta indicta credantur. Et habeo sanè penes me hominis autographas epistolas, eundem eius sensum minimè obscure nudantes. Inter alias eciam tibi hanc Ienâ missam, ad Ocellum Germaniæ, a. d. Non, Iul. cl. b. Lxxiii. inspice sodes, & signum manumque agnosce, ac illa mihi cum primis verba rectis oculis contemplare ac perpende, *delectat me cum loci huius amœnitas, tum præcipue animi tranquillitas, & religionis libertas, præ quâ nulla regna meruerim.* Quam tu enim Religionem loqui cum censes, cuius libertatem Ienæ tibi quærendam duxerit? vna illa fuit tum, ut nunc quoque, ea quæ ipsa quam Lipsius eò cum venisset anno cl. b. Lxxi. circa festum

Cent. 1. ep.
10. primæ
editionis.

festum Michaëlis, apud Rectorem eâ tempestate Tillemannum Heshusium sese amplecti testatus est, sinceram & Lutheranam, eamque professionem sacræ coenæ ibidem usu & communicatione publicè obsignauit. Ergo etiam in scriptis ab ipso editis, passim incidas in sententias vocesque fortuitas, & quasi imprudenti elapsas, sed tamen huius taciti sui sensus testes, quas in posterioribus editionibus aut sustulit, aut mutauit. Sed inter ceteras hæc mihi exitima semper est visa, *Ego enim serio scio, & sentio, in vno Deo, & filio eius Christo, qui nos benignè redemit, liberauit, spem omnem positam humane salutis, vias ad eam perueniendi, expressas in sacris literis.* Quid enim? hanc fidei confessionem pro catholicâ habebunt, qui eius sibi censuram hodie adrogant? pro quâ vnâ tot martyrum millia superioribus annis per Galliam, Angliam, Belgium & alibi viuâ cremata, aliisue fœdis suppliciis crudeli? tunc excarnificata vidimus. Quî verò convenit fiducia illa in vno Christo, cum recenti hac spe in Virgine Hallensi, & in meritis cucullæ & funiculi Franciscani? Porro hæviæ, vbi locorum in sacris literis expressæ, aut leuiter tactæ? vbi non præsisè inter inania vanissimorum hominum commenta damnatæ? Quid, quod Leeuium de morte vxoris consolaturus, eam scribit *traductam ad requiem, gaudium, & veram vitam*, salutis suæ per fidem certam? quam tamen deinde sententiam in posterioribus editionibus, quia mutare turpe erat, interpretatione euertit, addito temperamento isto Veluti Certam. nec effecit tamen, ut ignoretur in qua nam illa fide ac professione Hagæ tum diem suum obierit. Quod si omnia non se ita haberent, tamen si quis rogaret, cum tam longè lateq; paterat *sacrati illius capitis, cui Reges inclinantur & capita submittere* ditio & immensa per orbem terrarum potestas: quid eum in Thuringis & Batauis inter illos *impuros, malos, nouatores, ad turbas & exitium Europe natos*, sedes quærere, & docere publice impulerit, hominem tam Papæ, Monachorum, simulacrorum obseruantem, tamque largum cultorem? quid tandem haberet, vnde contractæ labis notam, & contagionis suspicionem elucet? *Fluctus,* inquit,

Cent. 1.
ep. 97.

Ad Ital.
ep. 56.

Cent. 1. ep.
91. primè
edit.

inquit, patria eiecerant, audio & memini Ienâ quoque non voluntate suâ abductum, sed fato abreptum fuisse. Sed si fluctus è patriâ eiecerant, an iidem in stationes illas malefidas Ienam dico, & Leidâ tanquàm ad Cyclopes Vlyssèm compulerant potiùs, quàm in tot tutissimos Pontificii iuris & sacratæ iurisdictionis portus? an sic incluserant occluserantque, ut Ienâ fato, Lugduno tredecim annorum tædio feri vix tandem reditûs admonêdus esset, interea quasi loton Iethenue gustasset patriæ Papæque oblitus? an tamquàm in novam Semlam delato, mære frigore clausum, aut vela ventique negati fuere remeandi in hunc veterem & Pontificium orbem? ad populum phaleras, dissimulet, neget, eieret, quàm volet, prioris fidei professionem: frustra crit. subolebit fraus non munitionibus tantum, sed quantum arbitror, illi ipsi Zvvyckio, cui in oppugnatione Hallensi nasum deterfit tutelare eius oppidi lignum, non sine cumulo noui & insignis ad posteritatem miraculi. At corpore fuit inter illos, non animo, & ipso propior semper bonis: Hallensis Dea à primâ adolescentiâ cliens deuotus, Cardinalis alumnus, discipulus Iesuitarum, ipse semi Iesuita. Ergo igitur de animo cuius ille secundum Deum vnus optimè conscius est, cum ipso non pugnabo. & si attendisti, religionem puriorem amplexum esse, & in cor sinumque demisisse non dixi: professum dixi, & demonstravi. Quod si planè de Lipsii fide & opinione quam concepit ne Deo, conjecturam facere exscriptis & vitâ velim: propior sim existimanti, numen illum statuere quidem, & Deum vniuersi conditorem, eundemque æternum rectorem cum suis Stoicis credere: ceterum de Christo haud valdè plus quàm illos sollicitum esse. Et hoc quoque à Stoicis habere, ut adcommodet se loci cuiusque legibus, acceptamque Religionem si non in animo habeat, tamen in actibus fingat, seruetque tanquàm legibus iussam, non tamquam Diis gratam. Sic cum Romæ aliquando fuit, ne dubites Romano vixisse more. At Ienæ, vbi per Rectorem Heshusium, perque Academiæ instituta aliter nō licuit, ritus & mysteria participauit antè damnata. Leidæ, libertate loci usus, abstinuit ab iisdem

Cent. 1. ep.
10 prime
edit.

D. Virg.
cap. 7.

ad Ital. ep.
6. 8.
ad Germ.
ep. 68.
Virg. Hall.
cap. 1.
Miscell. ep.
30. 34. 87.

Augusti de
Civ. Dei,
lib. 6. ca. 10

nemque modò à Gallis modò ab Anglicis circumspexisse, fiduciam
 nusquam non maiorem, quàm in Regis præpotentis, *Crassorum-*
que Crassi, opibus, potentiâ, iure, causâ, clementiâ collocasse. Quæ
 ego singula sic demonstrabo deinceps, ut ob signatis cum eo tabu-
 lis agam, iisque utar testimoniis, quorum auctoritatem defugere
 non possit. Ecce enim tibi Epistolarum centurias duas priores,
 ab ipso met publici juris factas anno cl. l. xc. quæ sunt *affectus* In præfat.
animi corporisque eius tabella, in quibus (adgnosce verba) *de regitur* ad lect.
& subiicitur oculus penè nudus, ubi depingitur *ingenii, adfectus, indi-*
cii imò viræ non vana imago, ubi non *fucus aut simulatio*, sed *candor,*
veritas & non nisi natiuus color. In his igitur tanquàm in pellucido
 speculo cum intueamur & audiamus loquentem. Anno cl. l.
 xxxi i. meministi qui rerum in Belgio status, quæ inclinatio ani-
 morum, sensusque Nobilium in prouinciis maximè mediterra-
 neis fuerit. Eo igitur anno Brugis amicū euocans in Batauos, Cent. 1, ep.
Terrestres, inquit, *Dii parum Nobis æqui*, nempe stuebant ex arbi- 51,
 trio Hispanorum, capto etiâ à Duce Parmensi haud multò antè
 Tornaco. deinde conqueritur subesse *nescio quid turbellarum* apud
 nos, puta Theologos Leidenfes. Iam quis ille Hostis, quem postea
 dicit *Ninuiam obsidere, & imminere Bruxelle*? annon Parmensis? Cent. 1, ep.
 atqui hæc sunt quæ vocat *de Rep. nec multa nec bona*. quin & ægrè 19,
 fert *Gallos tam lentè & frigidè agere, nec pro ingenio genis*, nempe
 optasset Alenconiū audentius ire in Hispanos, & instructiorem
 à copiis fraternis. Nam per hanc moram in longum trahirem, &
 produci calamitates patriæ jam exhaustæ. Porro quàm impatien-
 ter fest illud *Antuerpiense facinus magnum & malum*, ut pote quod
malum, imò exitium patriæ secum tracturum putares? Et videbatur
 ceric exitium allaturum, non partibus Regiis, quibus nihil tum
 potuit contingere optatius, sed Ordinum, quos dolebat Lipsius
 à suis defensoribus proditos, nunc desertos à cunctis oprans &
 gestiens. Eiusdem animi voluntatisque sunt illa anni Lxxxii i. Cent. 1, ep.
Lenta hic omnia, non leta, & videntur Res nostræ (Ordinum) velut 99,
radio quodam adherescere, idque eo tempore, cum velis & remis festi-
nandum

In præfat. li.
de Cruce.

nandum sit. quis tum igitur Annibal ad portas? & an periclitabatur causa potentis illius (vt nunc loquitur) Dei, & magni nostri Regis? minimè. quid ergo? Nam qui in Nos pugnant (Regii) quos progressus quotidie faciās, vides, receptis nimirum exiguo spatio innumeris à Parmensi oppidis. Remedium hīc mutatā Reip. formā, & a vno capite queritur, Rege nimirum, non Hispanorum, sed Gallorum. vti nam utiliter! quid Hallas donarii missurus Lipsi, si videret dampnēre? Sed vix spero. quid ita? ita multi palam, plures dissident occultè. Consensum igitur velles, ac tum rediret in præcordia excussa fiducia. A labe eāque flandriam corripit (discordiā & occulto quorundam cum Hispanis sensu) immunis nostra Batavia non est: & hīc quoque, varia iudicia & discidia animorum. at verò

Hoc hostis velit, & magno merceatur lberus.

Meter. hist.
lib. 17. pag.
640.

& hodie Lipsius censeat, si, quod videtur, eius est illa apud Meteranum epistola Achirophelica. Certè equidem & consuli cum in his talibus, & hæc talia esse qualia ille consulit, scripta hominis dubitare non sinunt. Ita vereor, dic nunc audacter, Opto, ne rebus Nostris (Ordinum) fractis & labentibus, extremum malorum Discordia quoque accedat. Quod si sit: nempe rem factam Rex habebit; à parte verò Batauorum conclamatum est. Annon igitur felix tunc prouinciarū Belgicarum status, iudice Lipsio, cum Deo & Regi occlusam læta victoria ianuam referabit,

Cent. 1. ep.
43.

Diductosque iugo coget ahenco? imò Exequias Belgica quibus commodum est ire. Duci enim à Dite Rege, aut trahi ab imperiosâ Proserpinâ, huc eodē nempe redibat, Efferri. Perstabat fortuna apud hostem, & Lipsius igitur in lamentis & querelâ, Res publica, ait, nō in bona spe. quamobrem? nūtabat forsitan imperium iusti Regis? contrā Præcipua aliquot Flandria & Erabantia vrbes nauseare incipiunt, & fastidiire præsentem hunc statum, secessionis à Rege, & quid amplius? consilia arcana agitare dicuntur cum Hoste, id est, cum ipso Rege. quod tibi Lipsi vel vnicum maximè in votis, & hūc omnes vocas, vrges, increpas. Sed tunc alia tempora, alii mores, alia & discrepans oratio. Et enim concludebas, quidquid horum est aut e-

rit

rit nos pessima timere nihil nocuerit; & ut pugiles iam nunc parari ad strenuam cum omni sorte pugnam. Ecce consilium monitumque tuum audiunt Ordines, & seruant religiosè, quid reuocas? At tu constantiæ Magister fecisti alterum, timuisti pessima: alterum ca- uisti, & pugilum oblitus, parasti te ad strenuam non Pugnam sed sed Fugam, exiguo sanè pretio defectionis. Namque

Ex illo fluere & retrò sublapsa referri

Spes Regis, fracta vires, aversa Dex mens. Dex inquam tuæ Hal- lensis. Nam hoc si vellet; cur non adsciti in suum Sodalitium Lipsii preces & vota audiret pia ac propitia, perinde ut facti- tare antea solita, sacris suis necdum initiari? & quid- ni tam leui negotio mentem adimeret Barauis, quam mentum Ioanni Rysselmanno? quem arbitror quod rostrum in aggressio- ne Hallarum amisisset, inde Rostrati, siue Rysselmani nomen fortitum esse, quo scilicet minùs de miraculi fide dubitaretur. Sed pergamus. *Nubem hanc temporum vides, nec Solem aliquem qui pel-* Cent. 1. ep.
lat. *ille quidem Gallicus qui discussurum se promiserat, videtur fouisse.* 35.

Qui Solem Gallum, is Nubē dixit Hispanam: & inde serenum; hinc turbas & tempestates expectauit; & quidem hac spe Gallicā deiectus *veritus tempestates etiam magē maiores.* Rursus de Alenco- Cent. 1. ep.
nii in Antuerpienses conatu eam concepit tristitiam, ut ambigat 12.

an verbo *Gandii* uti sibi liceat, in tam acerbo casu; & rei indignita- tem prout merebatur, multis verbis exaggerat. Nec finis irarum tristisque ægrimonix. Ecce enim Hostis, semper intellige Par- mensem, *vicinus vobis* Antuerpiensibus, *perfidia eorum* (perfidiam vocat transitum ad partes Regias, quorum ipse factū longo pòst interuallo imitatus) *in quibus numquam fuit eritque fides.* Sed quod exitiosius, *etiam nunc immixti* Nobis, *nec longè à clauo, quibus idem*

morbis. certè. id que tute tuo Lipsi exemplo comprobasti tandē. Ceterum iustè pieque execraris rem omniū perniciosissimam. numquid etiam iuuas? *uotis possum, non consiliis.* Sed votis opinor non Hallensi statuæ nuncupatis. Neque enim videbatur facilè pronis auribus exauditura. Sequitur annus LXXXIV. nondum

Cent. 1. ep.
54.

satis æquus aut propitius rebus Batauorum. Itaque de Antuerpiā
tum à Parmense clausā, & arctè obsessā sollicitus, postquā se
falsus est *in aliis castris esse*, spem auxilii in Batavis & Mattiacis re-
ponit, agrè ferens quod *tam leniè accurrās, nec ut ad socialem flam-*

Cent. 1. ep.
47.

mam Quid porro? *Quid sperem nascio, cum oculos deflexi ad hunc re-*
rum statum, tam latum Regiis, fœderatis tam tristē. *qui indies mi-*
nus stabilis, à parte quidē Batauorum, inualecentibus indies Hi-
spanis; & nisi à Deo aliquo fulciatur (non enim fortassis à Gallo illotibi-
cine) ruet. Ruet, id est, sub iugum reuertetur Hispani, aduersus
quem tibiçē inde è Galliā acciebat. Sed frustra, & ob id maior

Cent. 1. ep.
90

hinc metus. Nam post anno LXXXV. *excusso Palinuro nostro*, hoc est
haud dubiè, Principe Auraico, superiore anno, immisso ab ho-
stibus percussore, immaniter nefarieque trucidato, *valde fluctu-*
tur hac navis, Ordinum; *nec Aeneam aliquem promptum video, qui*
succedat ad clauum, & velligiis nimirum insistēs Auraici, aduersus
Oceanī occidentalis fluctus defendat scilicet. Attamen ne metue,
succedet filius, vindex olim paternæ necis, fortique patre tantò
fortior & felicior, quantò Alexander Magnus magno Philippo.

— *ut Ajax*

Ad Belg. 1.
ep. 2.

Præteritis Telamonem, ut Pelea vicit Achilles. Sed variū inter Ord-
nes sensus; benè, si nō dissensus, Deus videbit, ad quem confugio. Iterum
quæro, cur non cādē operā ad Regem, cuius cum illo causā

Cent. 2. ep.
6.

vis esse communem? in promptu ratio, quia hinc *bella, horrida bel-*
la expecto, ant certè tyranni dem non optabiliorem quouis bello. Audi-
ant hoc Bataui, & Lipsio acceptum feratur, sibi præceptorum é-
ius memōres, pacis omnem sermonem abrumpan, & bellum
tyrannide ducant potius. Et fecerunt quidem, confugeruntque
primū ad Gallum; deinde hoc à Belgicarum rerum curā pa-
trocinioque ad domesticū coniuratorū incendiū auerso, ad An-

Cent. 2. ep.
44.

glos. Sed ne tum quidē securus, Lipsius *Resp.* inquit, Nostra (Or-
dinū) *quo loco sit vides, & quò perduxerint nos acerba quorundā con-*
silia, nec percausa satis ad Prudentia solem. Hinc immites isti fructus,
dissidiorum inter Lycestrum Anglosque & Ordines. Minime
in smodi

iusmodi aliquot ingenia Nobis ad clauum! bonę preces pro Batavis.
facile sedarent his fluctus, Anglicani. Nisi sit, id est, nisi cōcant rursus
Angli & Ordines, mergimur, hoc est, recidimus sub Regem. Deus
iuuet, ne fiat scilicet: nunc audire mihi videor susurros contrarios,
Dea iuuet ut fiat. De eodem illo Anglorū & Ordinum dissensu,
alibi angitur, & vulnus ipsum, inquit, qui coibit, tam grande, tam pa- Cent. 2. ep.
tes? Auctoritas alterius partis agitur, Lycestriane opinor, alterius ho- 27.
nor. & scis quā lenti cedere isti Nostri. quid tamen ipse? manum sub-
trahit, nec cum Milone temerē inserit inter hiantes has rimas. at votis
tamē preſto est suis Batavis, quæ Deus ita faciat coibunt. & iterū,
de Rep. Nostra nec ex tuis litteris mihi magna spes est, nec ex rumori- Cent. 2. ep.
bus vulgi. facile conicias triste aliquid ominari suæ Bataviæ aquo- 47-
sæ, Si utrimq; pertendunt, Lycestrius & Ordines; quis exitus? Cedere
altera pars debeat, aut potius utraque & sic coire in arctum & amicum
fœdus. Vtile consiliū Ordinibus, Regi inutile & detrimentosum.
Nam iste Amentia! Hostis in latere, & tantū non ad portas Anni-
bal, Parmensis, qui eo ipso anno c. l. l. x. xxvii. Slusam oppug-
nabat. & Nos litigamus. quod quo animo toleret detesteturque,
pluribus exequitur, & additis ad Constantiam verborum stimu-
lis, tandem concludit, Standum in hac acie, & sine fuga ullā cogita-
tione vincendum aut cadendum. Quantū vel nunc mutatus ab illo,
vel tunc diffidens à se ipso, & aliud in pectore clausum, aliud in
linguā promptum ferens! Perstat tamen in proposito tantisper
votoque, & Ultraiectū scribēs, civitatē Anglorū factionibus ab
Ordinibus auulsam, In Rep. ait, an apud vos quies ita videtur, Vtinā
& concordia cum finitimis provinciis fœderatis, sine quibus firmum
nihil esse vobis potest contra Hostem Hispanum. Bene quod ille alibi
distinguitur intentus ut puto in occasione pugnae nautalis, & for-
midolosæ illius anno lxxxix. Classis, eoque simultates exercere va-
cuum nobis fuit. Animum desideriumque vidimus, nunc iudicium
audiamus, & de vniuersa causā sententiam definitivam. Terrēt te Cent. 2. ep.
hec ambigua? quī magis quā nos? Sanē infirmus hic patria status, fa- 17-
teor, & qui sine manu Dei palam ruit: sed valde erras, si his pe-
reuntibus,

venantibus, speras illic firmitatem. Europæ Libertas corrui, si semel hoc vallum. Viden' vt ordines foederatos vocat Vallum Europæ? quænam igitur pote bellandi iustior causa, maiorque necessitas, quàm defensio non suæ solum salutis, sed omnium? *Quomodo autem corruat Europa, si illi? nisi quia Hispanis causa armorum, Ambitio, & imperitandi tam iniusta quàm immensa & inexhausta Libido?* Hæc potuere pronuntiari clariùs? Nescio, tamen illustrata video etiam exemplo: *Maeste hac laude o Batavi, quod angulus vnus Europa. pro vocare olim Rom. Imperium, & XV. legiones ausi sitis nò sine occultâ lege fati,* Iam tum vindices & adsertores publicæ Libertatis, Nota iam tum, quia hodieque, Atque his cùm alia consentanea per multa, tū & hæc ipsa. *Fauille huius nostri incē dii spargi mihi videntur & iam ad vos* (Heidelbergā, ubi tum Iunius) *ire, comprehensura (utinam fallar) Germaniam totam arri igne.* Itemque ista, Nobis enim Ordinibus foederatis, Quod Deus aduertat, *oppressis, qua illis Anglis perennandi spes?* De his enim, id est, Anglis accipienda omninò quæ præcedunt, ne ipsa quidem leuiter transmittenda, *Dissidii semina palam video,* Deus ille faciat *vt opprimantur in herbâ. Animos magnos illa gens auxiliatrix gerit & nostris certum non cedere de Prisca Libertate. Vtrique tamen Angli & Ordines aliquit remittent, nec funem hunc contentionis trahent, quod non potest sine casu & pernicie alternâ.*

Ex quibus omnibus perspicuum est, quænam Lipsii dum inter Batavos degeret, de bello & regis sui causâ mēs, qui oculi, manus, ardor animi fuerit, quid cupierit, quid optarit. Ad quæ si illū puræ Religionis studium, curaue libertatis impellebant, in eadem fuit causâ quam toties iam tam acriter insectatùr & damnat: si aliter, tantò ceteris deterior, quod nulla eū tanta necessitas, nec vlla conscientia vel intentata vel extimescēda vis à rebellionis crimine excusat.

Pap. Iam dudum ausculto impatienter, & demiror quis sit futurus tandē longæ huius & acerbæ insectationis modus, quisue fructus!

In ded icat.
comment.
ad Tacit.
ad Ordin.
Bat. edit.
xxc. ac
deinde
sublatâ.

Cent. 2 ep.
18.
Cent. 2, ep.
52.

Chr. Sic me Deus benè amet, uti nullum mihi studium aut mala cupido est, inèquitandi homini, quem ego semper & suspexi magno suo merito, & colui acri sensu amoris. Sed interest publiè, fidem & constantiam nosse, ne quis vel ingenii sublimis & ignei admiratione inductus, vel tot religiosis assènerationibus circumuentus, eius omnia dicta pro oraculis habeat, abducaturq; incautus à simplici veritatis viâ & aternâ salute. Vbi ille non cōmentitiam & malè decantant vetustatem, & (quod tralatitium est omnibus de sacrarum scripturarum arce deiectis) maiorū, sed nostris quàm Apostolicis temporibus propiorum, instituta & auctoritatē insolenter prædicat; & Ecclesiis ad Apostolicam puritatē reformatis crimen Nouitatis calumniosè impingit? *Quali-* Ad Ital. ep.
11. & 12.
quid libauit è Patribus aut Conciliis (nos fecimus) scit illam (Ecclesiam) esse vnā. sanè unam. sed quod præcedit. *primam id est nostram*, intelligens hodiernam Romanam; ò impudentiam singularē! quā ille profectò non à naturæ suæ bonitate hausit, sed à malis magistris Iesuitis accepit. Ille verò tã hic sciens fallit, quàm cum Deum (horresco referens) testem inuocat, animi sui semper prioris bonis, id est, Papicolis Romanis. Hanc nōs imposturam paullo antè deteximus: illam deprehendet, quisquis iuxta diuini verbi fontes, Patrum verè antiquorum, Conciliorumque primæ Ecclesiæ integros & incontaminatos riuos gustare puro palato & faucibus nō viriatis voluerit. idque Plessæus præclaro illo, quod dixi, opere executus est tantâ dexteritate, vt necesse sit miseros esse libenter, cœcitatique suæ & exitio relinqui spontaneo, si qui inani illius verborum iactantiæ adquiescere malint, quàm huius contrèctare manibus certa & necessaria rerum documenta. Hæc Lipsium considerare, & si potest, sine dolo conuellere velim.

Pap. Frustrâ. *alieni hi fines, quos ille numquàm scandet; nec fallacem immettet temerè in Theologorum istam messem.* Nonne vides in hoc ipso tuo codice, profiteri se Narratorem, non Disputatorem? *Historiam ait se scribere, non subtiliter aut tenuiter aliquid super Religione disputare.* Ad Lector,

Chr.

Chr. Et narrat quidem sanè, si non Historias, tamen perlepidas & dulci sermonis melle suauiter conditas fabellas: exscribitque, ut ait ille, plura sine dubio, quàm credit. Sed non hoc agit solum, etsi potissimum. Disputat enim profectò, si nò subtiliter tenuiterque, pro errore me hercules crasso & stupido, at acriter &

Cap. 19. in

pr.

Cap. 21.

in f.

Ad Lector.

& cap. 5.

in f.

L. 11. *. 2.

D. de act.

rer. am. l.

4. in pr. D.

de in lit.

iur.

animosè. quin prouocat vltro, & quasi victor superbus insultat. *Improbi silite, nec color sit istis verè miraculis diluendis.* rursusque, *Quid omnis calumnia vel impudentia hæc contra possit?* At verò neutrà Lipsi in refellendis mendaciis opus: tu potiùs qui utramque præoccupasti, nec dubitasti doctrinam nostram quasi *spernentem* *Dinos, quæque in D. Virginem ex compæcto incurrat, & decus ei omne imminu.* um eat suggillare, conuitio improbo falsoque, tu inquã, quid alterutra in iisdem adstruendis valeat ostendere. *Nihil de mendacio aut fūco sumimus,* ais. Iusiurandum deferrem, ni iniquum foret de alterius factò alterum iurare, & grave sub alieni compendii emolumento periurium anceps subire. Ac præterea, *quis vnquam ab historico iuratores exegit?* Quare quod restat, auctores posco, sed locupletes, & dignos quibus tantæ rei fides nitatur. *Acta & reges legimus.* Quid si ea conficta ab hominibus ociosis & malè feriat? Quid si composita ad compendii quæstumque eorū qui congesti: Negas? Res dicat, & affluētes inde Sacerdotū regales opes, qui non aliis magis viscerationibus cibum sibi posterisque dapi-
nauerunt æternum. tum & Papæ Nicolai Bulla, quã tuæ Historiæ subiecisti dignam operi coronidem, in quã persuasione istius causam finemque hunc lego, *ut Christi fideles ipsi eò libentius causâ devotionis confluant, ac ad fabricam & reparationes, aliasque Capellæ & Ecclesiæ necessitates* Manus promptius porrigant Adiutrices. & adde annuas duodenas chlamydes, aut (*quia assatim iam chlamydam est*) certam pro his pecuniam. Quid verò etiã, si conscripta ab iis, qui fabulæ eiusmodi venditare populariter, & imperitis imponere falsis falsimoniis fas piūque ducebant? Nisi putamus hac demum ætate, aut non multò antè extitisse eiusmodi artifices, quales Dominicani illi Bernates, aut Franciscani Aurelianenses, aut ille

Pag. 84.

cap. 34.

in f.

Ille Dordraci Erasmo decantatus Curio, qui Annibalis à Fabio ad Casilinum circumuenti & quasi indagine capti astu & arte bonos Quirites delusit. quid si denique eo ipso tempore, quo hæc imposturæ solemnes, & tum propter Principum incautam simplicitatem facillimæ, tum ob sacri gregis improbitatem & audaciam translatitæ fuere? Nam tametsi Historicus noster, descriptionē suam non gemino ab oīo, primisque Diuæ incunabulis ordiatur nec stemma stirpemque repetat à nemore, in quo securibus ista cecidit trabs illa

Quam faber incertus scamnum faceret ne Priapum.

Maluit esse D E A M; — & ne nomen quidem tradat Promethei illius, qui ex trunco atque inutili ligno, tam præsens ac salutare mortalibus numen edolauit (cui ceriè statua & immortalitas haud paullò iustius debebatur, & æquius fuit, magno Athanasio teste, artificem deificari, quàm simulacrum: quoniam, vt Augustino placet, *Meliores sunt qui talia fabricantur, quàm ipsa*) tamen ex eo quod Consecratrix decessisse proponitur anno clō c c Lxvii æstimare datur, tum primū, aut non multò antè, numen habere, & miraculo esse cœpisse. Sic enim Minutius Felix, *Ecce funditur fabricatur, scalpitur, nondum Deus est. Ecce plumbatur, construitur, erigitur, nec adhuc Deus est. Ecce ornatur, consecratur, oratur, tunc postremo Deus est, cum homo ille voluit & dedicauit.* tametsi ne hoc quidem admiserit facilè Carolus M. dum de imaginibus verba faciens, ait, *Sed in his sanctitas non est (& reuera non est) quarendum unde ei postquam ex pluribus materiis compaginata est, accedat? qua dū neque per manus impositionem, neque per aliquam canonicam consecrationem ei accedere inueniatur, nec inesse credenda est.* Quidquid sit, incidunt natales Dæ in tempus, non illud eruditum, & omne quod fieri non potest, respiciens, de quo Augustinus alicubi, sed quo nullum fuit vmq̃uam miris modis mirabilium miraculorum tum cudendorum tum credendorum feracius; & cum tam passim homines recluspicabant in vitam quàm nunc exauspicant, non minùs facili in reddendis quàm rapiendis manibus Orco,

Vnus

D

Iohannes

C
P. 15
De ver.
Relig. c. 55

In Octau.
P. 56.

Lib. de i-
mag. 1. c. 2.

De civit.
Dei lib. 22.
in pr. cap. 8

Ad Ital.
ep. 56.

Vigner. in
hisor.
Eccle. pag.
496.

Crantz, in
saxon, lib.
4. c. 36.
Virg. Hall.
c. 8. in f.

in Alex.
IV. P.

Vigner.
hisor. Ec-
cles. p. 489.

Iohannes a Vincentiâ, Monachus Ordinis Franciscani (cuius ubique terrarum sparsi coetus beneficia cum Lipsio communicata, & tot virtutum fructum ad eum ex parte redundare iussa) anno clc cc Lxiv. (vides coætaneū Diuæ) octodecim mortuos Ditis patris faucibus eripuisse, & reduxisse cis Stygem, præterea morbos omnis generis, ipsosque Dæmones pepulisse creditus est: nec prius detecta fraus impostoris, quàm viginti millia marcarum argenti inde ad Monasterium annui quæstus confluxissent. Quin periclitatus pro hæretico Guido Bonatus, quod iam tum ab initio imposturam plani suspectasset, vt ipse testatur in suo libro de Astrologiâ. Et mirebantur equidē crucē, qui fabulā tam lepidam improbâ curiositate turbarūt, & intempestiuē confixerunt cornicū oculos. Nā si latuisset boni fratris a flus; hodie quoque vera eius miracula fuisse piē sibi persuaderet Lipsius, & aliquā inde particulam abraderet, iniiciendam quandoque in propriarum virtutum meritumque lancem, ad exemplum calicis Laurentiani in appendendis operibus & actionibus Henrici Imperatoris. Quidni? cum tam pronus semper fuerit in eorū sodalitiū, qui pietatis omnes numeros persequuntur, aut habent. Et forent illa relata in Acta & Regesta, forsitan & depicta in vetusto typo, in quo vestitum veterem notares Monachi cucullati, cinctu Gabino. Sed ecce aliud argumentum pietatis illius æui, illorum inquam religiosissimorum maiorum, & qui ante doctrinam hanc spernentem Diuos nati. Conscripterant Monachi librum, quem pestiferum vocat Platina, cuique nomen fecerant *Euangelio atero*, quippe Euangelium Christi nec verum, nec perfectū aut salutare fuisse, inter alia nefanda dictitabant, suumque istud ad illud collatum esse instar Solis ad Lunā: cui qui deinceps crederēt, eos solos saluos fieri posse. Hunc librum & hanc doctrinam passim & publicē propulerant tum populo, tum & vniuersitati Parisiensi, actaque res magnā contentione, hinc Monachorum, inde Theologorum Gallorum & Anglorum; ac ad extremum delata ad Papam Alex. IV. Is licet auctoribus additior, tamen in tam aperta impietatis tam acri oppugnatione, librum damnavit, sed cā lege, vt non solum

secreto & (verba sunt Math. Paris) *siposses fieri sine fratrum scandalo* aboleretur, sed vt etiam oppositum illi scriptum Academiæ Parisiensis, *de periculis nouissimorum: temporum*, flammis iisdem tamquam in expiationem corrumpere: cui tandem etiam ipsius Guilielmi de sancto amore, & sociorum, qui dogma nefarium impugnaverant, exilio, gemētibus bonis omnibus, parentatum, Platina librū exustū tradit spectante Curia Romanā. Verū ea res clām, an his talibus arbitris gesta sit, plumā haud refert. Accidēre hæc circa annū clō ccl. i. v. vix integræ pubertatis spaciō ante consecratam nostram Diuam, ac ne vix quidem. Attamen *in oculis plurium gesta, testibus firmata sunt, sæpè Magistratū signis*. Verū enim uerò Lipsi, ne istos quidem oculatos tuos testes oculis tute tuis vsurpasti, aut interrogasti; sed quā fide actis insperlerant mystæ, eādē tradidisti & nobis. Saltē dicere posses, quod tuus Auctor de miraculis ab Imperatore Vespasiano in oculis pluriū perpetratis, *eos qui interfuere, nunc quoque memorare, post quā nullum mendacio precium*. Fuit enim apud tuos testes, & est etiam nū pretium apud successores insanū grande. Imperator Hadrianus in re graui, sed non perinde graui, vt hæc ista, rescriptit, *Testibus se, non testimoniis crediturum*. Idem mihi hīc faciundum statuo, me-
Tacit. hist. lib. 4.
L. 3. * 2. & 3. D. de test.
sledan. l. 9.
 mor mediæ illius ætatis maiores, religiosiores fuisse in comminiscendis piē, aut dissimulandis cautē fraudibus, quā in propagandā ed posteros rei veritate. Quā multos putas Iohannē de Vincentiā socios & tū & postea habuisse, earundē fabularū, sed diligentiores peritioresque actores, quorū nunc somnia pro Oraculis adorantur? Quā multorum parum prosperē tēatos dolos cura peruigil sacri gregis correxit, aut suppressit? Annon nostra id ætas vidit, cum in aliis sæpē, tum verò in condemnatione Aureliani quos diximus Monachorum, cuius executio intercessione Pontificum auersa, & fracta in eorum gratiam legum iudiciorumque veneranda potestas? Itaque quod de Medicis dictum est, cadauera interemptorum ab iis terrā condi, seruatorum naturā vel casu corpora extare salutiferæ artis haud dubia monumeta:
Dij.
ta:

ta: quodque de naufragiis Dionysius cauillabatur haud inscienter, eorum donaria in templis Deorum conspici, qui enataissent, submerforum vota cum ipsis, fluctibus obruta iacere: id his miraculorum scriptoribus non ineptè adcommodes, qui quæ successum habuere fraudes, eas prædicant, &

—— *Iactant miracula dictis,*

persuadentique haut ægrè,

—— *Ut omne*

Humanum genus est anidum nimis auricularum;

deprehensas silent ac dissimulant, aut, qui nunc sunt mores, fidenter negant, & parùm exactis rerum æstimatoribus sursum vorsum os sublinunt officiiis. Neque aliâ de causâ quæ temporibus illis religiosissimis, quorum nobis fidem auctoritatemque Lipsius vèditat, credita est sine scrupulo Papissa Ioanna, hodie vindices peruiaciores nacta, fuisse iam desijt. Atque ad hunc modum, Eunū quendam seruilis conditionis Syrum legimus, cum apud Ennenses in Siciliâ futura prædicens, casu interdum verâ, plærumque falsa proderet; & hæc quidem à nemine arguerentur, illa à credulis cum applausu arriperentur, occasionem & initium bello seruili dedisse. Neque verò *Magistra: num signa* moror. Quid enim? quæ Delphos, aliisque Dæmonibus vel ex voto, vel ob res prosperè gestas, aut Remp. seruata, restitutamue valetudinem frequentissimè missa anathemata, cerdonū fuere tantum & mendicabulorum nomine inscripta? & non potius Crætorum, Regum populorumque præpotentum, rectorum aut domitorum Orbis? An autem proinde credenda sint nobis, quæ de Rampsiniti ad inferos descensu, & cum Cerere aleæ lusu, totque alijs in Ægypto per progenies hominum CCCXLI. totidemque Pontifices & Reges admirandis traduntur, quod ea testibus nitantur non de plebe, sed sacerdotibus, eorumque Actis & Regeſtis? Quid Magistratus dico aut Sacerdotes? En tibi testes omnibus Magistratibus, Sacerdotibus, Regibus, Imperatoribus mage maiores, Pontifices ter maximos Romanos. Dic age Lipsi, dic simpliciter, credisne Franciscum Petri Bernardonis F, in ecclasi cū Christo commissum

Diodor. Sicul.

Herodot. in Euterp.

Libr. cōform. Franc. fol. 228,

totidem ab eo plagis & ſtigmatibus compunctum iisdem in locis fuiſſe, quot ipſe acceperat in cruce? Credis clauos ex pedū manuumq; vtraque parte ita extitiſſe, vt remoueri à neutris poſſent, Lib. 2. de
nihilò ſegnius incedēte Franciſco? Si credis, cur ambigis de numero Cruc.
clauorum, quibus Chriſtus adfixus cruci, ob diſſenſum in eāre cap. 9.
Patrum? quid tum ſi diſſentiant? nō ea res geſta in eorum oculis. in f.

At Franciſcus ſenſit, Alex. IV. & Greg. IX. PP. viderunt, teſtati- Eod. lib.
que ſunt bullis & actis publicis, *hocque tenendum mandarunt fidelibus & credendum, & ſub nota Hæreſis puniendum oppoſitum ſapientē.* Confor.
f. 234.

Adde teſtem non tantæ dignationis (Nam de Dictatore illo tuo Romano, Nil oritur aliās, nil ortū tale fatemur) attamē per ſe quo-

que ſacro ſanctum, & exceptione omni maiorem, Archiepiſcopum Antonium. Quod ſi neque quaternos illos Franciſci, neque ſexcentos alios qui Mediolani, qui Romæ non vnā in æde, Hiſtor.
par. 3.
tit. 24.
* 10.

qui Venetiis, quique alibi in Germaniā, Galliā, Hiſpaniā religioſe ſeruantur clauos, nec iudicium deiis Paparum Sacerdotumque tanti feciſti, vt eos in cōiecturæ partē vocare dignareris (excipio

vnū treuirenſem in Notis memoratum) patere quæſo Forcti Sanatiq; idē ius eſſe, & tam licere nobis impunē ſpernere am-

pullas Hallenſes, quā tibi Bullas Romanas. Sed fortalliſ maior Lipſio fides, in his quæ Deam ſuā contingunt propiū, quale il-

lud eſt, quod verbis non perinde concinnis memoratur, vt ſunt Lipſiana, dare pondus idonea fumo, ſed iuxta tamen fortalliſ veris, B.

Franciſcus representationem faciens Natiuitatis, Chriſtum in vlnis habuit; & dum orāret virginem vt ſibi conſolationem de leſu paruulo faceret, virgo ipſa pulcherrima aſtitit, & in brachiis B. Franciſci à princi-

pionocis vſque ad diem tenendum & oſculandum prauit: lepidum hoc quod Franciſcus meruit, ſed ſalutariuſ quod Dominicus per

quē propitia virgo filium placlauit exurgētē à Patris dextrā in irā ſuā, ut interficeret omnes peccatores terra. Ex quo loco tractā arbitror

Lipſij illam exclamationē, Deus Deus (mitiſſimam virginem hic o-mitto) audiit. quippe præter decōrum ſexus fuiſſe, virginem non

mitiorem Deo videri. Fruſtra igitur Chriſtus hoſtia factus eſſet

Lib. 2. de
Cruc.
cap. 9.
in f.

Eod. lib.
Confor.
f. 234.

Hiſtor.
par. 3.
tit. 24.
* 10.

Confor.
f. 2.

Anton.
ep. Flor.
p. 3. tit. 25.
Cap. 7.
in f.

Hebr. 4.

pro nostris peccatis, nisi Monachus mediator proximior extitisset miseris mortalibus iam iam sui Seruatoris & Aduocati prauaricatione ac furore perituris, & in cassum Pontificem haberemus, qui adfici posset sensu infirmitatumstrarum, tentatusque esset similiter in omnibus, absque peccato; nisi flexibilior natura, & ingenium lenius Matri eius contigisset. Quâ de causâ videas interdum eam expugnari minis, sæpius vinci blanditiis, præter fas modumque, & quandoque tamen etiam, Numine fors fuit suo læso, non cedere flammato corde *illi quæ Diuum incedit Regina, Iouisque*

Cap. 7.

Et Soror & coniunx. — nec Palladis diræ in Aiaceum Oileum vindictæ. Nam cum Zyvickius quidam temerè blasphemasset in suū nasum, *illa Hallis rapidum iaculata è mænibus igni*
Dissecit truncas inhonesto vulnere naves.

Cæsar. c. 34

Vincent. li.

Neque deest exemplum Marianæ imaginis, quæ non dubitavit os depalmare Moniali. Et quis reprehendat? Cùm minorum gentium Diuus Gingolphus uxorem propriam tam acriter ultus sit, *ut quæ maritum suum perinde miracula facere, quemadmodum podicæ*

Vincent li-

bro 23. ca.

159 Fascic.

temp. sub

an. 754.

ætate 6.

Cap. 7 in f.

suum cantare, dixisset, coheretur deinceps per totam vitam toties ex ancrepitum cum factore emittere, quoties vocem ederet ex ore. En igitur vindicem etiam Diuam, diceret Lipsius. sed magis iuuat audire & videre adiutricem. Et primùm minarum siue concussionis, & extortæ per vim salutis exemplum insigne extat in B. Mariæ depictâ à D. Lucâ imagine, quam in obsidione Constantinopolitanâ (dicam verbis & fide auctoris) *quidam cuius iussit adferri, & ab omnibus orationem fieri, hoc modo, Sancta Dei genitrix, quæ toties nos libera-*

Vincent li-

bro 23. cap.

147.

sti, libera nos modo de inimicis filii tui, & si vis ut imaginem tuam non mergamus in mari merge illos, Cùm hac dixisset, ille secreto tenuit imaginem sub undas, & statim procella surrexit, & omnes naves Sarcenorum merisit, Extat & alterû eius quæ in speciem mitior, nescio

Cæsar, cap.

46.

Io. Gonz.

Mendi de

Reg. Chi,

l. 2. c. 4.

an re, abstractum eidem Diuæ de vlnis filium prius non reddidit, quàm illa vicissim lupo cuidam restitutionem infantuli malo furto rapti, seriò imperasset. Precandi more Chinësis familiaris, qui talibus fermè sibi Diis suis litare cōsueuere; nec ignoto hodie

hodie vulgo rusticorū, S. Urbano passim inurbano isto ritu sacra
facientiū; sed & Vasconibus, qui ipsi crucifixo Christo. Quò ma- Bodin. l. 2.
gis ignoscendum festiuo Poeta, lasciuum hortuli seu siluulæ suæ demon. c. 8
custodē facerē affanti

Si defeceris hoc, & ipse lignum es.

Iam verò sine vi metuque, sedulitate solā & adludis officiis non
minus promptā opē siue expressit seu meruit *Beatrix* quādam,
æditua in Monialiū nescio quo Conuenit. Nam cū sacerdotem Caesar. lib.
adamatum secuta, primum in eius contubernio virginis naui 7. c. 35.
fragiū fecisset, & iactā tam turpi aleā, totis deinde XV. annis pu-
blicē quæstum corpore fecisset, mitissima virgo, ne tam humanū
officiū puellæ damno foret, neue fama eius, dum foris olenti in
fornice prostat domi interea detrimenti quid caperet, toto illo
tempore os humerosque Beatrici similis, absentis vices obiit, æ-
dituamque gessit fortem fidamque; donec reduci tandem loco
rursus cederet, atque ita seruaret si non rem, at fidem virginalem
integram & illibatam. admonitā tamen Beatrice quoniā *Diur-*
tunt mores virgini longē ac lupa, vt peccandi finem faceret, & veteris
mili. iæ lassā atque exhausta, quietē porro coleret. Quid quod nes- specul. hist.
cio cui alteri, quotidianū *Aue Maria* pronūtiare solito, cū exphe- P. 1.
nesi laborās casu sibi met linguā dētibz amputasset, nō verita est
mammās in remedium sugendas offerre? quodque militi suauit
tetulit & Monachum deosculata perhibetur morientem, credo Caesar. c. 33
quod non ampliū visuram se eum putaret. & 51.

Cetera de genere hoc, adeo sunt multa, loquaces Casarios lassare queāt.
Quātula enim pars hæc quæ Hallēsi Mariæ, his duobus tribusue
sæculis, quibus vixit & res præclare domi forisque gessit, adscribi-
tur? etiā si opinere cū Lipsio, *multa præterea alia patrata in illis tribus*
quoq. personis esse, quæ aui superioris simplicitate aut neglectu nō con- gl. in c. si
nata scriptis fuerint, (quamquam iuris ciuilibz ratio huiusmodi in pluribus
factis præsumptionē vix admittit, sed illam potius, *Clericorum* verb. maio-
auarissimum genus, ad suum quæstum callidum fuisse, & nihil ris, extra
quod ad rem augendam faceret prætermisisse) sed his tamen de præb. li.
omnibz computatis in vnum, quantula pars inquam Maria 6. & in c.
Hallensis, resid. de cler. non

Hallenſis, rudior, recentiorque & ſine reliquiis, præ tot præſci ſanguinis & patritii generis Mariiſ, quæ vultus colores que vel Angelis debent, vel B. Luca laborioſam Euangelii & Actorũ Apoſtolicorum commentationem ſubinde his picturis interiungere, & calamo in penicillum mutato, oculos animumque recreare ſolito, quales multæ Romæ, plures alibi viſuntur, & quarum nullus

Eſt numerus, neque enim numero comprehendere reſert.

In Hetru-
zia.

Leand.
Alb. in
Piceno.

Niſi quod properantem reuocat Florentina illa tanto accurrentium ſalutantiumque ex toto orbe ſtudio nota, & à Fr. Leandro Alberto celebrata, ut ſeſe facile Dianæ Ephęſinæ adæquaſſe credatur. Et quæ inter omnes eminet, caputque attollit, *velut interignes Luna minores*, Lauretana, cuius cubiculum in quo nata, educata, ab Angelo ſalutata, à B. Luca depicta fuit, tenues per auras terque quaterque baiulatum, tandem ubi nunc adorandi cauſa aditur, conſedit, ſi modò fides habenda ſomnio minimè ſuſpecto ciuiſ cuiuſdam Recanatenſis viri boni, & fidę XVI. legatorum relationi, qui in re præſenti deprehenderunt fundamentorum veſtigia (quæ nulla uſquam gentium ſuperfuerant ab annis ferme mille) cum parietum modo examuiſſim quadrare. Iam ceterorum leuioris notæ Diuorum, quorum imagines non tantum templa, ſed fora, compita, vicos & angiportus obſederunt, faciuntque ut iure quis illud Petronianum uſurpet, *Noſtram regionem tam præſentibus plenam eſſe numinibus, ut facilius ſit Deum quàm hominem inuenire*; & à ſexcentis annis miraculorũ magnitudine Mundum, multitudine Democriti atomos ſuperauerunt, quid dicam? niſi procliuius eſſe ſtellarum, aut arenæ Libyæ rationem inire, ac

Noſſe quot Ionii veniant ad litora fluctus,

quàm vel cogitatione complecti, quoties ſi non renaſcentib. et alio terræ ſeu Tartari obſtetricatæ, vel pendentibus de furcâ ſubmerſiue mari auxiliatæ, at ſermonem tamen aliquem vocemq; aut riſum, vel lacrymas, vel ſudorem, vel ventris crepitum, oriſue ruſtum enixæ fuerint. Quæ omnia ſi Lipſius in ſinum placide demittere, & concoquere probè poteſt, cauſam non dicam, quin

Hal-

Hallenses fabulas iure, pictæ rectorio linguæ incrustasse, in spidissimas monachorum insulsiſſimorū nugas hinc stili calamistris, hinc numerorum lenociniis, veluti adperso papauere & sesanio condiisse rectè probeque dicatur. Nerumenimuerò vnus etiam scrupulus restat eximendus, cur Lipsio fatēte, hoc vltimo nostroque sæculo, in fidis illis Hallensibus Regeſtis Actisque fermè si-
 le ntium? *ob incuriam arbitratur aut omissionem eorum qui Actis præ-* Cap. 33. in
fuerunt, siue etiam satietas eos cepit scribendi aut colligendi, cum viderēs Pr.
Diua gloriā satis propagatam testatamque esse. Atqui Lipsi, hoc il-
 lud est æuum, in quo tam mul- *o* *Diuorum honori cuiusque obſtigi-* cap. 5.
lare, tot nouellarum opinionum scētas consensu & velut de compaſſo in
vnā Diuā virginem incurrere. & decus omne eius ire imminuūm
dixiſti. Quæ igitur illa tanta Actuariorum, & qui illis præſunt Ma-
 gistratuum ingrata incuria soporque quem tantū tam bene me-
 riti Numinis periculum nō excuſſerit? aut quæ illa satietas gloriæ
 non iam propagatæ satis, sed in arctum compulſæ, & acriter cheu-
 nimis oppugnata? vide ne non tam voluntas feruorque, quam
 fingendi opportunitas colorque defuerit, nec tam gloriæ satietas,
 quā ignominia metus viros bonos vt fatuari deſinerent impu-
 lerit, eā tempeſtate, quā litteris, optimarumque artium studiis re-
 naſcentibus *Et pueri naſum Rhinocerotis habent;* suntque
 omnia plena curioſulorum, qui captatorum manus improbius
 obſeruitant, eoſque nō raro excipiunt inſidiis, ut Monachis illis
 Aurelianis ab emunctæ naris prætore cōtigat, & eſuritori Ioanni Buchan.
 Scoto, cum impuberē, sed ſingulari oris elegātia filiam, cereis cir- lib. 14.
 ca accenſis, pro virgine Maria adorandam in altari ſtatuiſſet. Nā
 vt illa quondam clara per gentes oracula, quæ in ſtuporem dede-
 rant Mundum, poſtquam Chriſtus tamquam illuſtre veri Solis
 iubar generi humano illuxit, obſcurata ſunt, &

— *muto Parnaffus hiatu*

Conticuit: ſic quæ in caligine illa & velut nocte illuni, quæ fuit
 ante reuelatum Antichriſtum, frequentiffimè occurrere ſolita
 ſpectra & laruæ, eodem Chriſto iam per gratiam & Euangelii ſui
 lucem ad nos reduce, non infrequentes tantum, ſed planè fugiti-

uæ & emanfores esse coepere: & quibus quondam tam in promptu fuit mortuos suscitare, quàm canibus exta comedere, ii hodie ne Muscam quidem conentur eximere lethæis vinculis. Atqui si verum est, *Diuorum honorem cultumque hoc magis extra ordinem asseri, allenari, illustrari, quò plures sunt qui obstrigillant, abiiciunt & obtenebrant, & B. imprimis virginis decus tueri & augeri quotidie:* certum hoc est, hoc illud est tempus, quo non æquari superioris temporis palmæ, sed superari modis infinitis debuere. Hoc Lipsi sit? cur tu igitur tam modestè, tam timidè, *Neque enim desisse miracula hactenus dicitur* itane desisse? aucta oportuit in immensum. Tamen ubi sunt qui mortuos excitant? non dico apud Iaponas aut Indos (impunè ad nos inde perscribitur, quidquid in chartam venit: ac præterea nihil illa ad Diuorum, quos ibi nemo oppugnat, sed tantummodò ad Christi nomen propagandum valent, si rectè distinctionem tuam percepi) sed hîc, hîc Rhodi. Cur non prodeunt, qui re ipsâ doceant, quotquot illa pacata & mortuorum vel imaginû nutui parentia tempora protulisse finguntur, magna miraque, nugas esse & tyrocinia puerorum, præ hodiernis & in hoc confutatus feruore editis pugnis & facinoribus miraculorum? Quod si sit

Antonin p.
3. tit. 24. c.
2. * 18.

non dubito, cum olim non singulos, sed quadragenos, quinquagenos, denique centenos superas in auras retractos è regionibus Acherunticis legamus; tot nos hodie hominum rediuuorum millia breui visuros, vnde nouus orbis nouis coloniis repleti, & sarciri ingentes ab Hispanis illatæ illis locis solitudinum lacunæ facillè possint.

P. Nempe huc tandem oratio tua redit, Facta negas, & quidquid de his varii prodidère auctores, naso suspendis adunco: quod cui non licet derisorii aut scurræ? Verû id cum in prophanis scriptoribus iniquum, tum in sacris impium est & detestandum.

C. At verò assentiri temerè, & cum cœcis ductoribus labi atque errare, tam alibi turpe, quàm hîc funestum est & deplorandum. Annon diffidendi cauendique auctor (Christum mitto, & Apostolum, qui Filium perditionis appariturum præmonuit, ex

1. Thessal.
2. 22.

efficacitate Satanæ, cum omni potentiâ & signis ac prodigiis Medacibus

dacibus (ipse Lipsius) qui palam proficetur, vana multa eiusmodi fami-
 ant scripti proditi esse: & versis in Religionem animis non pauca
 visa creditaque prodigia, quæ non erant. Planè multa, & propterea In Ioan.
tract. 13.
 Augustinus, Nemo vobis fabulas vendat, & Pontius fecit miraculū,
 & Donatus orauit, & Deus respondit ei de cælo. Primò aut falluntur,
 aut fallunt. & Iustinus Martyr, Remoueantur ista vel Fimenta mē-
 dadium hominum, vel portent a fallacium spirituum. Aut enim non
 sunt vera quæ dicuntur; aut si hæreticorum aliqua mira facta sunt ma-
 gis cauere debemus. &c. Sed mendacia ceriè pluraque, præsertim
 quæ imaginibus attribuuntur, de quibus Carolus M. Hoc etiam il-
 lis ad suum errorem adstruendum familiare est, quod per quasdam ima-
 gines nonnulla miracula facta fuisse perhibent, quod tamen nec veteris,
 nec noui testamenti pagina demonstrat, & mox, unde signa & miracu-
 la, quæ illi dicunt Imaginibus apparuisse, si non apparuerunt (sicut &
 nulla authentica hoc tradit historia) mendacium est. Sed non viderat
 Carolus M, Lipsij commentationem & authenticam de Hallen-
 si statuâ historiam, procul dubio alio orationis genere alioqui v-
 surus. Fortassis & Canus, qui nimis ingenuè aperteque, De imagin.
lib. 3. c. 25.
 Negare, Lib. II. c. 6
 inquit, non possumus, viros aliquando grauissimos, in Diuorum præ-
 sertim prodigiis describendis, sparsos rumores excepisse, & scriptis etiam
 ad posteros reulisse. Quâ in re ut mihi quidem videtur, aut nimium illi
 sibi, aut fidelium certè vulgo indulserunt; quod vulgus sentiebant non
 tantum ea faciliè miracula credere, sed impensè etiam flagitare &c. &
 auctoris nobilissimis placuisse, veram historia legem esse, ea scribere,
 quæ vulgo vera haberentur &c. Quæ ego eadem de Beda atque Grego-
 rio iure fortasse ac verè dicere possum. Et ego verissimè de Lipsio, ne
 se seiunctum auulsumque queratur, à sacro illo capite sacrorū,
 & imperatore suæ militiæ, Pontifice Romano.

Neque tamen necesse habeo præfractè omnia insitiri, quæ
 ipse ait: sed in uniuersum ea triplicis generis esse statuo. Primum
 genus facio eorum, quæ possunt esse vera, sed non sunt miracula,
 nec quidquam in se habent vel prodigiosum, vel præternaturale,
 cuiusmodi sunt illa, quæ capite potissimum VI. VII. IX. XIII.
 XXII. XXIV. XXVII. XXVIII. XXX. XXXI. & XXXIII. referun-

*Tellurem porco, Sylvanum, lacte piabant,
Flortibus & vino Genium.*

Seruati constiterant in litore nautæ? Vota soluebant.

Glauco, & Panopeæ, & Inoo Melicerta.

Quid diuinissimus Poetarum?

Dii patrii indigetes, & Romule, Vestaque mater

Quæ Thuscum Tiberim, & Romana palatia seruas.

Petron;

*Ipse Senatus, recti, bonique præceptor, mille pondus auri Capitolio
promittere solius.* Similes denique, ne quid dissimulē, Lipsio, qui
rarissimas ingenii animique dotes, largissimâ Dei manu in se col-
latas, veluti fascès supremi in litteris honoris atque imperiū, sub-
mittit Idolo Hallensī, & talēti sui diuinū munus defodit ad eius arā.

Alterum genus magna & mira complectitur, sed non vera, in
quā classē adscribo cap. 10. 16. 17. 18. 20. 21. 26. & alia fortas-
sis nonnulla eademque illustrare libet exemplo gemino germano
Beli Babylonii, quotidiana cibaria, si sacerdotibus credās, absu-
mentis: num Iohannis de Vincentiâ suprâ nobis & nunc iterum
honoris causâ nominati, qui xvi. errantes in campis Elysiis ani-
mas, in corpora sua reuolare iussit, vt constitit ex testimonio sa-
cro symysfarum. Nec procul abludit factum Dominicanorum
Bernæ, & Aureleis Franciscanorum, itemque Antonii cuiusdam
Picentis Eremitæ, qui vniuersis persuaferat, sese diebus totis XL. Panormi;
ab omni penitus cibo potuque abstinere, cum interim cerei ac lib. 1. de
cingulum fidi cōdi promi essent occultæ annonæ & cibariorum; dict. &
fact. Alph.

Restat tertium genus, cui res cap. 8. 11. 12. 14. 19. 23. 25. 32. cō-
memoratas attribuo. Hæ miracula dici possunt, quia talia sensibus
nostris offeruntur, nec vt superiora semper ab hominibus, con-
ficta, sed à malis & impuris Dæmonibus sæpè exhibita repe-
riuntur: vt plurimū quidē præstigiis & ludibriis, non tamē nun-
quam etiā re & facto. Nam quid est horum, quod non à malo
Genio vel assimilari, vel confici etiā suapte arte & industriâ haud
ægrè potuerit? Tantæ ne molis opus Falconem fugitiuum adse-
qui & retrahere quasi obtorto collo sub ipsam intorti recte colli
momentum? aut abscedere quasi coactum ab eo in quem ob id

ipsum sese insinuarit? cœcitatē, vel debilitatē, aut spasmodum, aut insaniam temporariā immittere, quam mox sanare videatur? puero vni vel alteri refosso colorē motumque mimicum accommodare & ostentare pro viuo ad exigui temporis vlturam, ac tantisper dum superstitionē spectantibus incusserit, & idololatriā firmarit? ossē ferrum, tamquā nouaculā cotem difficcare? Annon his maiora & mirabiliora edidit?

*Sapē dedit sedes totas mutantibus vrbes,
Vt Tyriis: dedit ille minas impellere belli,
Vt Salaminicum meminit mare: sustulit iras
Telluris sterilis, monstrato sine: resoluist
Aëra tabificum,*

Accitus Epidauro sub nomine Aesculapii, urbē Romam diurnā pestilentia creditus est liberasse: rursusque non ita dudum, Pontifice Hadriano VI. interuentu sacrificii ethnico ritu, sed publicē à Demetrio ibi in Theatro peracti. qui quidem id impunē tulit, non euasurus si purum Christi Euangelium piasque ad unū Deum preces eo loci sacrificare conaretur. Sed & aliās Rempubl. periculis imminentibus non rarō Dæmonum nutu liberatam: testis est Lactantius, *quod & pericula responsis denunciarint. & sacrificiis placati auerterent.* Et apud Pontanum legimus, Montis Draconis oppidanis ex aquæ penuriā necessitati vltimæ adactis, ac iā iam sese dedituris, peractō execrabili eiusmodi sacrificio imbres pluuiasque prodigiosas derepēte extitisse, & salutem obsessis insperatam attulisse. Non nego *omnia ista fallacias esse Dæmonū*, ut ibidem Lactantius addit, sed his tamen fit quod necesse est, *ut summam sibi pariant venerationem. & hinc, inquit, templa deuonentur & Nouæ imagines cōsecrantur & mactantur greges hostiarum.* Quid igitur mirum si & Hallis Noua imago cōsecrata, hostiisque affiduis culta fuit, tot miraculis in eius nomine vel à Diabolo fallaciter administratis, vel ab hominibus mendaciter confictis, tandemque à miraculo Musarum Lipsio admirando opere decantatis & supra nubes elatis? *Mira hoc effecerunt, quæ crebra & vel assidua hic euenerunt eueniuntque, si me non fallit imago.*

Iouius hist.
lib. 21

Inst. diui.
lib. 2. c. 17.

Lib. 5. Belg.
Neap.

d. cap. 17.

Virg. Hall.
c. 4. in f.

His tot falsis vanisque miraculis, alterius cuiusdā generis tria
 Observauit Lipsius notauitque, nescio ridendane an admiranda
 magis, nisi quod consideranti mihi, vtrumque excutiant, bis ter-
 que magno cum risu stupenti. Nam quod primo loco com-
 memorat, *se cum Hallas venit, & calidè templum adiit, ac preces cepit* cap. 1.
fundere, sensisse tepido quodam gaudio, & mixtā veneratione corpus a-
nimūq; percelli; & palam in loco numē esse, quod vel ignaris mētibus se cap. 4. in f.
circō fundat; Et enim sacellū ornatū à votiuistabulis habere religionē à
se, eāque nescio quomodo ingredientēs tangere: quis nescit prater præ-
 conceptam animo falsi numinis opinionem, ipsam per se opacæ
 ædis obscuritatem, & circumfusarum imaginum partim adora-
 tarum, partim adorantium adspectū, tristeque silentium, supersti-
 tiosis hominibus, ignarisque mentibus, religionis quendam horri-
 bilem sensum metumque incutere solere? Ipsa perse, ut ait Augu-
 stinus, *mortalium formæ similitudo, & membrorum imitata compago,* In Psā. 11;
ducit & affectu quodam infirmo rapit infirma corda. Itaque caligino-
 sis lucis, auiisq; & solis locis Dæmones fermè delectantur, quorū

— *numen ab æthere pressum*

Dignatur cæcas inclusum habitare cauernas: ad eò vt

Limine terrifico metuat consistere Phæbas. vnde &

Arboribus suis horror inest: tum plurima nigris

Fontibus vnda cadit, simulachraque mæsta Deorum.

Ipsæ sitis, putrique facit iam robore pallor

Attonitos. —

Non sic Deus

noster, qui se Christianis hodie exhibet adorandum non in mon-
 te Samaritano, neque Hierosolymis, multoque minus in Hallensī
 sacello, similibusue angulis seductis, sed quouis loco, aut saltem
 non alio certiore, quā in suo cuiusuis secreto, idque spiritu & ve-
 ritate. Nihilque absurdius, & homine Christiano indignius, quā
 quemquam tam vecordem reperiri, qui non domi, nec in foro
 campōue, vbi Iouis sunt omnia plena, sed ibi potissimum, vbi

Iohan. c. 4.
 vers. 21, &
 23.

1. Timot. 2
 vers. 8

— *Simulacra modis pallentia miris*

Visa sub obscurum noctis, pecudesve locuta,

religioso isto stupore percellatur. Post hæc concursum prædicat,

qui

us sanctarum reliquiarū refici & augeri mille modis cōsueuere.

Tandem dum *in ipsā primum statuā miri aliquid videri affirmat*, Cap. 6.
quod hand magna (sesquipedalis circiter) & è puro nec medicato ligno,
tot secula (ab anno scilicet clō cc Lxvij.) persenerat immunis ab om-
ni exitiali peste: annon risum captare, & prauaricari causæ bonæ
Deæ videtur? Quid ais? Columnas illas, & tigna trabesque quer-
nas, huius quam cernis obsoletæ & ruentis alicubi casulæ, quæ ve-
rustate in ferri duritiem obriguere, censetne paucis annis Hallēsi
statuā antiquiores? nec tamē medicatas credes facillē, quas vix do-
labrā dignatus faber. At saltim ligni genus expressisset accuratus
scriptor. Nā Plinio auctore, sine miraculo cariem vetustatēq; nō lib. 16. c.
sentiūsus cupressus, cedrus, ebenus, lotos, buxus, taxus, iuniperus, oleaster, & 40.
olea, & ex reliquis tardissimē larix, robur, suber, castanea, iuglans. Quin
& si competans Solis Lunaque coitus, in novissimum diem Brumæ, illa Eod. ca. 39.
æterna est materiis. Sed ignoscendū opinor homini veteri, id est,
anili cœcāq; Religione tacto, si ignorare maluit quo ex luto Deæ
sux præcordia efficta fuerint, quam explorando si forte — sa-
cratum cuspide robur Ladere. Facillēq; crediderim, ne eò quidē im-
probulā curiositate penetrassē, vt liquido sciret, medicatum istud
ab initio an purum lignum fuerit: nisi cōmodū succurrant rur-
sūm testes ex prisco illo & religioso æuo, qui nec viderint Diuam
inungi, nec inunctam Lipsio reuelarint. Attamen immunis etiam
ab incendiis. Magnum istud memoratu, & prodigiosum in Statuā
lignēā, si quemadmodum illa Seruii Tullii Rom. regis in templo Dionys.
Fortunæ, concrematis omnibus circa se aliis, sola ignis violētiam Halic. an-
cōtemsit, sic ipsa in morē Salamandræ, aut (ne fabulas fabulis cu- tiq. R. lib. 4
mulemus) trium Danielis sociorum, flāmas illæsa tolerasset. At cū
validis vndique lateritiis muris, veluti Danaë quædā robustā turri
cinctā & circūmoenita proponatur, hac opinor ratione vel palea
ignē secura despexerit, nec corripī magis à flāmis possit, quā mergi

Excelsa pendens in cruce Amannus aquis.

At verò non muri, sed ipsa DIVA ET SE & templum suū, omni vicino foro, & iuxta ipsam adibus ardētibus de fendis. Fac ita esse: minùs aliquantū fecit quàm Diana Segeſtana, quæ Cicerone

d act. in
Verr. 6.

Laet. lib. 2.
cap. 8.

iterum narrante, *duas urbes in quibus locata, captas incensam, vidit, & his ex duorum bellorum flammâ ferroq; servata est*: minus etiam quàm Ceres Mileſia, quæ captâ ab Alexandro ciuitate, militum omniû ad sese spoliandâ irrûpentiû oculos, repêtino ignis obiecto fulgore extinxit. Quâtò enim hoc maius, quàm vnû inter tot hostes, linguâ forsuar quàm manu prôptiorê, naso emungere, aut mulcare mento, ceteris minora locutis, maiora fortè facturis, illâlis? Sed de tēplo minùs mirû est stetitſſe, ædibus circa ardētibz, quoniâ has probabile est magis inter se cōtiguas, negligētiuſquē tectas, & ex materiâ magis cōbuſtibili constructas, fortè & minore concursu studioque defensas esse. Illud autem maximè mirum stupendūque, quomodo IPSa SE DIVA tutata dicatur. Nā si ipsa illa Diua, Christi Domini & Redemptoris beata genitrix intelligitur, quid opusei fuit ut SE defenderet, quæ non magis flagrare potuit, quàm naso curtari, aut abduci captiua? sin verò DIVAM SE, hoc est, statuam lignū seruasse, hoc Lipsio placet: tū verò iure metuiffe fateor, ne quod Romanorum Diis penatibus sub Nerone accidit,

— daret ampla ruinam

Rufin. lib.
2. hist. Ec-
cles. c. 26.

Vulcano superante DEA — atque ita illud ipsum pateretur à Chaldæorū Deo, quod hic ab Aegyptiorū: & sicut ille in carbonēs, sic ista in cineres fumūque solueretur. Apage mihi talia Tutelaria numina, quibus ipsis tutelâ & defensione est opus.

Quæ cū ita sint, & cū ex his omnibus appareat, quæcunque Lipsius de Hallēſi statua prodidit, vel eiusmodi esse, ut nihil iis sit cū miraculorū naturâ commune, vel iis testimoniis niti, quibus in re tanti momenti minimè tutū sit fidem temerè accommodare, vel denique auctorū habere potuisse ipsum Dia bolū: cumque ab his omnibus Christus nos præmonuerit sollicitè, qui (vt iterum verbis Tertulliani vtar) *edicens multos venturos, signa facturum, & virtutes magnas edituros, anersionē etiam electorum, nec idēo tamen admittendos, temerariam signorum & virtutum fidem ostendit, ut eū apud Pseudoprophetas facillimam*: Operæpretiū est etiam atque eū videre, quibus argumentis fretus Lipsius decantata illa sua miracula pro veris, fidis, ac prorsus diuinis obtrudere satagat; & qui

Con Marc.
lib. 3. c. 3.

Christo

Christo auscultantes, cautionem sibi adhibendā statuunt, eos pro-
 tinus impietatis præficienter arcessat. Nam etsi non disputator, sed
 narrator videri vult: ille tamen huic ex professo disputationi totū
 caput quintum Operis impendit, atque in id contulit, nō minus,
 vt mea fert opinio, occultæ fraudis & fuci, quā in aliis solet in-
 genuæ simplicitatis & artis. Ait, *Non certius diuinitatis argumen-
 tum esse, quā à miraculis.* Credo argumentum esse, & magnum,
 nescio an maximum omnium. Anne enim maius quā Mundi
 opificium & regimen, ipse naturæ ordo? vix videatur ex ipsius
 Lipsii egregiā sanè, sed huic dissimili dissertatione. Sed ta-
 men quid ad rem, cū apertè dicat, sua quæ commemo-
 rat miracula non eò ducere, sed pertinere ad Diuos? Ac
 mihi quidem constat, ipsum Christum, cū ea opera,
 eoque numero edidisset, vnde satis liquidò inferre posset, sese in-
 dubitatò Deum eternum, & promissum orbi Messiam esse; Dis-
 cipulos tamen suos vix vñquā ad illa, ad Moysis autē Prophe-
 tarumque testimonia semper reuocasse. Nimirum nobis tam fal-
 li facilibus, ambigua fermè miraculorum fides: illa sola solida, &
 quæ nec falli possint nec fallere. Iustinus Martyr, *Ipse Dominus te-
 sus cū resurrexisset à mortuis, & Discipulorum oculis videndum ma-
 nibusque tangendum corpus suum offerret; ne quid tamen fallacia se pati
 arbitrarentur, magis eos testimoniis legis & Psalmorum & Prophetarū
 confirmandos esse iudicauit, ostendens ea de se impleta, quæ fuerant tanto
 antè tempore prædicta.* Præterea quæ Deus ipse homo factus, vt talē se
 adfereret atque ostenderet, palā exhibuit & vulganit, olim vtilia fue-
 re, vt attestarentur, ait Augustinus, huic fidei, in qua predicatur Chri-
 stus resurrexisse in carne, & in cælū ascendisse cum carne. De quā quia
 non ambigitur hodie inter Christianos, ob id non opus nunc (Lip-
 sium rursus appello testem) Christo asserendo prodigiis: adeoque
 multò verissimū hodie est, quod olim Chrysostomus, *Nunc sig-
 norum operatio omninò leuata est; magis autē apud eos inuenitur, qui falsi
 sunt Christiani, fieri ficta.* Itēque, *Adest fides iustificans: sed ea quæ mi-
 raculorum dicitur, iam desit.* Iterum Augustinus, *Cum enim Ecclesia
 Catholica per totum orbem diffusa atque fundata sit nec miracula illa in*

Ad Belg.
cent. 2. ep.
26.

In quaest.
qu. 100.

Lip. d. c. 5.

De Ciuit.
Dei lib. 22.
c. 9. in pr.

In Matth.
hom. 49.

In 17. cap.
Matth.
De ver. re-
lig. c. 25.

nostra tempora durare permissa sint: ne anima semper visibilia quæret, & eorum consuetudine frigesceret genus humanum, quorum nouitate flagrant. Nam sicut in terredâ lege maxima & splendidissima miracula interuenere in môre Sina ac deserto, quæ eadē deinde perlatâ, in terrâ promissâ desinere; sic miracula nunc quoque sublata sunt, postquam Euāgelium diffusum est per Orbē terrarū. Quam superiori illi ac primæ Lipsii propositioni, oppone hanc Tertuliani, Non fuit, inquis à Marcion, ordo ille necessarius, quia statim se & filium & missum, & Dei Christum rebus ipsis esset probaturus, per Documenta virtutum. at ego negabo solum hanc illi speciem ad testimoniū competiisse, Quam & ipse postmodum exauctorauit. Videbitque Lipsius quam appositè igitur in præfatione ad Lectorem, Augustini hanc sententiā citarit, Miracula esse introitus ad fidem: quæ neque huic tempori conuenit. nec competit in eos qui Christo per fidem inserti, eius Euangelio veris pridem miraculis sancto vnice adhærent.

Attamen videamus quas tandem notas veluti scutum præterdat, portentosis improborū hominum cōmentis, an malorum spirituum fallaciis, vt eas videatur à falsis, si Diis placet, & supposititiis miraculis seiungere. *Triplex inquit nota est, quæ vera à vanis miraculis differunt, Magnitudo, Finis Fides.* De Fine posteriùs agitur, quoniam is notam nobis suppeditabit haud improbā: secus ac reliquæ duæ, quæ ambæ ambigæ, & oppidò quàm periculosa. Nam primū *Magnitudo* non semper in diuinis miraculis maxima, vt in vellere Gedconis, quod nullo negotio Diabolus ipsi præstiterit vel in rore medio siccum, vel in sicco roscidū: & rectè Augustinus, *Non magnitudine operum miracula constare. Maius quippe alioquin esse opus, vniuersam hanc machinam orbis gubernare, quam lumen, quo destituitur, cæco restituere.* Cōtraque in Diabolicis Magnitudo sæpè sese ingens exerit & ostentat. Quid enim admirabilius, & in quo vis ac maiestas Dei clariùs emineat, quàm notis prædictioque futurorum? Diabolus quoties fecit? & quàm exactè sæpè & minutatim. Samuelem mortuū reduxit ab inferis, Si verū vt videtur haud dubiè Lipsio, hoc ipsum illustre erit Magni se

Diaboli

Con Marc.
lib. 3. c. 3.

Iudic. c. 6
in f.

In Ioan.
tract. 24.

1. Samuel.
28.

Diabolici miraculi exemplum: sin simulacrum, quantum etiam insigni-
 nius, pronunciaſſe pugnam, diem, euentum, & Regium fatum?
 Sanè miracula & fieri & præſignificari à Somniatoribus & Pſeu-
 do prophetis poſſe, id que Deum permittere tētandis hominibus,
 & explorādo conſtanti eorum in ſe amori, teſtatum dilucidè ha-
 bemus in ſacris literis. Et Antichriſtum editurum magna & me-
 morabilia ſigna ipſe nobis Chriſtus auctor; neque deſore qui
 Dæmonia in ſuo nomine eiicerent, quos ipſe tamen non ſit ag-
 niturus. Quò facit Tertullianus, *Adiciēt præterea alia multa de an-
 toritate cuiuſcunque hæretici, illos maxime doctrina ſua fidē confirmāſſe*
 Mortuos ſuſcitāſſe, debiles reformāſſe, futura ſignificāſſe, ut merito
 Apoſtoli crederentur: *quaſi nec hoc ſcriptum ſit, venturos multos qui e-
 tiam virtutes maximas ederent, ad fallaciam muniendam corrupte præ-
 dicationis, & Iuſtinus Martyr, Audiant etiam qua narrent pagani de*
Diis & templis ſuis mirabiliter vel FACTA vel VISA. Lactantius
 quoque, *Edunt ſæpe prodigia (Dæmones) quibus obſtupeſcēt homines*
 Fidem Commodent Simulacris diuinitatis ac numinis D. Hiero-
 nymus, *Obſeruandum etiam, quod virtutes dicuntur operari in his qui*
non habent Euangelij veritatē, ſicut in illis qui Dominū non ſequentes,
ſigna faciebant. Vnde & Chryſoſtomus non temerè admonet,
 cauenda nobis eſſe prodigia non tantum FALSA, ſed etiam ad Falſum
 inducentia; & Auguſtinus, *Solet ambigi, inquit, utrum propterea dicta*
*ſint ſigna & prodigia Mendaciū, quoniam mortales ſenſus per phantaſ-
 mata decepturus eſt, ut quod non facit facere videatur: an quia illa ipſa*
etiam ſi erunt vera prodigia ad mendacium pertrahent credituros, nō ea
potuiſſe niſi diuinitus fieri virtutem Diaboli neſcientes maxime quando
tantam quantam numquam habuit, accipiet poteſtatem. Ex quibus
 omnibus locis falſitatis apertæ conuincitur id quod Lipſius iac-
 tat, *Vniuerſè in vanis miraculis, fallax aliquid, luſorium & illuſoriū &*
in exploratione leue reperiandum ſubeſſe. Nam tametiſi ſemper Dia-
 bolus in illis ludat, illudat, fallat, denique ad falſum & mendaciū
 inducat; non ſemper tamen falſa, aut in exploratione leuia, ſed ſæ-
 penumerò & vera ſunt, & ingentia quæ exhibet. Neque tenues
 opellas Geniorum eſſe, aut ex comparatione diuinorum operū perniden-

Deuteron.
c. 13. in pr.Matth. c.
24. ver 24.
Math. 7. 22De præ-
ſcript. c. 44.d. quæſt.
100.

lib. 2. c. 17.

In epiſt. ad
Gal. c. 3.Ad 2. Theſſ
cap. 2.De ciuitate
Dei lib. 20.
cap. 19. cir-
ca fin.

rum Geniorum facinora eleuat, Hallensia supra verum effert & exaggerat. quia sicut illa Vana, sic ista Ficta scimus, vtraque autē Falsā: tamque promptum est atque obuium Monacho vel maxima mentiri quā Dæmonio magna simulare. Ergo à magnitudine nec differunt semper quæ Deo faciente, ab his quæ Permittente fiunt, hoc est, Diuina & fida, à Diabolicis & fallacibus miraculis, nec vbi differunt, semper internoscuntur.

Sequitur altera notæ ambiguae nota, *Fides*, verè enim ista mihi ambigua, & ab auctore, contra quā solet cum seriò candideque agit, niuium quā perplexè tradita. Enimuerò quid hīc sibi vult Lipsius? vera & diuina esse miracula, quæ fidem inueniunt? an quæ merentur? Si illud: quæ non præstigiæ tales? aut quæ non Monachorum deliramenta & stolidissima somnia? quæ fidem reperere apud plērosque maiorem, quā diuinę literæ, & sacrum Christi Euangelium. Non ibo ad vetera, cœcosque gentiles. Nostri nuper Reges, Imperatores, Pontifices diabolicis *Magdalena Crucie* præstigiis tantam fidem habuerunt, vt se certatim eius precibus commendarent: crederentque inter Sanctas Sanctissimam plus minus annis triginta, crediture perpetuò, ni ipsa prius fallere desisset, quā isti falli. Referre pudet, quò præclara illa fides processerit, vtque Regina filium Philippum non nisi iis fasciis, quas illa sacrasset suis manibus, excipi & inuolui voluerit, Si hoc: vnde id ipsum sciam? nam nota hæc iuxtà mihi ignota. At iam dicet, *Omnia fidem habent, siue libris sacris tradita, qui non magis, quā eorum auctor (is Deus est) mentiuntur*. Hactenus probè, sed parum appositè ad institutum: quia non de his, sed toto cælo diuersis scriptis agitur, & quoniam illa miracula diuinitatem adstruunt, quo nobis hodie, dicet Lipsius, haud opus. Quid porrò? *Sine bonis testibus arbitrisque affirmata*. Istud iam falsum: non solum quia mēdax est omne humanum genus, multique boni viri iudicantur qui non sunt, & *frontis nulla fides*: sed etiam qui boni reuera sunt perpauci, vel suā simplicitate, vel alienā fraude, faciliè in errorum perniciosos laqueos ruunt, secumque vnà præcipitant alios.

Cassiodo-
Ren. acro-
am. Benzo
in hist. nou-
orb. lib. 3.
cap. 16.

Esai. 9. 17

lios. Nam testibus creditur, vbi sensibus fides sua constat,

Qui nisi sint veri, ratio quoque falsa fit omnis:

Hic vbi luduntur fallunturque præstigiis,

Cernere vti videantur eos audireque coram,

Morse obitâ quorum tellus amplectitur ossa,

contra est. Nedom vt nos in re tanti momenti testibus Lipsianis, seu testimoniis potius credamus, multis modis, ut vidimus antè, suspectis ignorantiâ sæculi, & propriâ improbitate, ad hæc quæstu, & licentiâ corruptis, ac prorsus in hac re intestabilibus. Sequitur, *fidi etiam perfectique operis, nec retractantur* EX FACILI aut *mutant*. De hac re dictû paullo suprâ; Sed si hæc nota proba & (sicuti par est) perpetua: quorsum illa verba. EX FACILI? itemque illa altera, SÆPE *forissem non rem habent*? Aut enim semper designare discrimen debent, aut non sunt notæ certæ fidæque, sed infidæ & fallaces.

Quod si Lipsius fidem hanc suam non in persuatione hominum, sed in re ipsâ considerat, & ea vera vocat miracula, quæ verè fiunt: petitio principii hæcerit, quâ vera dicentur quæ fidem, hoc est, veritatem continebunt. At tamē aliæ, sed à Lipsii longè alieno sensu, non dubitem, quin fide diiudicari miracula faciliè possint. Nā hæc in verbo DEI firmiter fundata, ad eius veritatem & doctrinam miracula exigit & adcommodat, non ad hæc illam. Atque ita Iustinus Martyr, *unde cognoscetur nostra miracula gentilibus præstabilia, quamuis utrimque euentus respondet? R. Ex fide & cultu veri DEI.* Verùm hæc nota propius accedit ad alteram & mediā Lipsianam, puta *Finem*, de qua nunc agendum. Est enim *hic character* (cum Lipsio dico sentioque) *non fallax, quod verâ miracula ad verum & vnum Deum ducunt, falsa ad falsos & multos, hac in ludibrium aut noxam fiunt, illa in serium fructum aut salutem.* Verissima certissimaque nota, & quæ auctore laudat

Deuteron.

c. 13. in pt.

ipsū Deum. sic enim ille apud Moysen, *Si surrexeris in medio tuorum Prophetes aut Somniiator, qui somniū se vidisse dicat, & prædixeris signum aliquod atque portentum, & euenierit quod locutus est, & dixeris tibi, veni & sequamur Deos alienos, quos ignoras: non ascendas verbum Prophetæ illius aut Somniiatoris, quia tentat vos Dominus Deus vester*

In hac igitur si videtur trutinâ castigemus examē, & dispiciamus, ad vniusne Dei verum cultum miracula Lipsiana ducant, an in plures diducant, & varia falsaque numina stabiliant, Nec abeundum hinc longiùs, ipse Lipsius palàm fatetur, *Non opus nunc esse Christo asserendo prodigiis; in Diuis aliter esse; Horū honorē aut CVL-TVM merito asseri extra ordinem, eleuari, illustrari, maximeq; decus virginis Maria vindicari & augeri quotidie, atque hinc esse ut nullibi in nullo nomine aut titulo plura aut maiora miracula, quam in eius exhibeantur.* Potuitne proloqui planiùs, sua miracula non ad verum & vnum Deum ducere, sed ad varia, falsaque, & diuinis sacrarum litterarum monumentis prorsus ignorata numina? Quò enim tandem collimant, aut quem fructum ostendant finemque? Ne vnus ille æternusque Deus solus colatur, ne solus in necessitatibus periculisque adeatur, ne in auxilium inuocetur solus, & solus grates gratiasque pro liberatione audiat, sed vnà eum eo, imò verò pro eo (tamquam submoto Saturno Iupiter) innumera- biles homines defuncti adeoque mortuorum imagines, statuæ, stipites, cineres & ossa, ac imprimis idolum B. virginis, non iam Diuæ tantum, sed sine hæsitacione Numinis & Deæ. Nec falso hoc Lipsius, omnes totius libri siue pagellæ, seu fabellæ hoc ipsum clamant, & consensu testantur.

Quotus enim quisque est, cui in rebus angustis & deploratis non Hallense lignum potiùs, quam Deus viuus, imò illud solum illicò vel sponte propriâ, vel suggestionē alienâ in mentem venerit? Quis non sepositâ procul memoriâ Dei, gratias statuæ egit, tamquam vnica seruatrici? Iuuat ire in rem præsentem, & per exempla ordine ambulare. Capite VI. *In vnâ re ciues constantes, ad Diuæ opem confugiunt piis votis &c. mox, Qui non laudes gratesque Sacræ virginis corde, ore, plausu dixit?* Cap. VIII. *Spe omni atque ope humanâ abeunte, diuina subuenit,* putares hominibus longum vale dixisse & crexisse se ad Creatorem Vniuersi, sed erras; aberat is procul in cælo, præsentius paratiusque præsidium Hallis, à Lipsio Itidem diuinum nuncupatum,

Nam in mente est Diua Hal-
lensis

lensis, paulloque pòst, *Orat iterum Diuam*. & iure igitur ad extremum non Deus Vnus & Verus, sed *Diua virgo omnium ore laudat accipit, & ad ipso quem* Seruauit, testimonium Cap. ix. Non tam còtò mors in oculis, quin *Diua Virgo Hallensis in sensibus*. ac deinde, pòstquam ipse emerfit, *Hallas venit, ceream imaginem obtulit*. Cap. xiii. fuit qui suggereret *Diuam virginem Hallensem, communibus Vocibusque* Invocandam, deinde illi *viri egressi, omisistis rebus Hallas venère, & vitasse* Virgini Debere testari, votū bonā fide soluerunt, Cap. xiv. *Omnia experitur & facit*, vel igitur Deum non inuocauit, vel non audita à Deo fuit, etenim *ad Diuam denique virginem ipa auxilij causā venit* &c. & hac certè benigniore vñ est quā illo sequitur enim, *Eamus coram gratias actura benignissima Patrona, cum tu* Sanitatem, ego vitam debeo. Cap. xv. *Tollit in caelum oculos*, sed enim nimirum Dei, ad eum ne ergo imò & o Dei mater quæ Hallis coloris (quorsum oculos in caelum, si cor Hallas missum?) *matrī succurre*, pòst, *Reddunt & ipsi votum Hallis lubentes merito tibi* Virgo Auxiliatrix. Cap. xvi. *Misera parens affligitur, & tandem vnā aliquā praecunte, votum Diuæ Hallensi concipitur, quod ab eā auditur*. Cap. xvii. *Collabitur &c*, Consecrare infantem *Diuæ Hallensi* suadetur &c. *redinium Hallas* defert, offert. Cap. xix. *Mater mæstissima inter mæstos* stabat, suggestum Celebre notumque iam effugium (nam Refugium vetus ad Deum vivum iam obsolescerat, & antiquatum abierat in defuetudinem obliuionemque) *ad Diuam hanc virginem* &c. denique post *mater Hallas venit, puellā comite, quam offert merito suæ seruatrici*. Cap. xix. *Videre visa specie honestā fæminam, solatij quæ hec lege fecit copiam*, Si vota concepisset Hallensi Dex. At honesta hæc fœmina si Beata virgo fuisset, non eam opinor legē tulisset, quam Diabolus Christo, *Si me adoraueris*; sed quam boni Angeli, *Vide ne feceris, conseruus tuus sum & fratrum tuorum, qui habent testimonium Iesu*, Deum adora. Restat igitur ut fuerit impurus quispiam Genius, transformatus in Angelum lucis. Cap. xx. *In hoc doloris astu ad Diuam virginem, quæ Hallis colitur*, (statuam opinor intelligit, nam ipsa Beata virgo cur Hallis potiùs quàm Romæ vel Laureti colidicatur, rationem non inuenio) *animum & preces*

Apoc. 19.
ver. 10. &
ca. 22. v. 9.

*preces pater vertit. & in fine, mox Hallas, gratias actari, & laudes Di-
 nae meritissimò, propagaturi. Hæc inuestiganti recitâtique mihi inci-
 dit nodus, Lipsio vindice dignus: si quis votis Hallensi Deæ con-
 ceptis, ea deinde per obliuionē Lauretanę soluisset, vel vice ver-
 sâ; habitura ne sit actionē altera in alteram, an communio quæ-
 dam bonorum intercesserit inter eas, & societas vniuersalis: Et si
 istud: sitne ergo Hallensibus Sacerdotibus experiundi pro socio
 aut arbitrum comuni diuidendo deposcendi ius, ex hac divisio-
 ne caput multò vnctius relaturis quàm ex vniuersâ Lipsii Com-
 mentatione & præconio, & habituris deinceps affatim non solum
chlamydam, sed etiam pecuniarum? Cap. xx i. *Itaque plangere & se af-
 fligere, & tamen Spem vel Fiduciam in Diuâ virginē ponere,* nimi-
 rum sic edocta à Spiritu Sancto, illo scripturæ loco, *Maledictus ho-*
mo qui confidit in homine. & hîc quidem gratiæ laudēq; non à ma-
 tre vel superstitis, sed pro his, ipso superstitioniore Lipsio actæ,
 prece dignâ cuius deinde scorsim ratio habeatur. Cap. xx i i. *Quo-*
nam in innocentia parum praesidij est, ad illam (virginē Hallensem) ap-
pello, ea me tueatur. Cap. xx i i i. *Mentem ei tetigit memoria & affectus*
erga Diuam Hallensem virginem. itaque Toto corde eam invocat. &
 in f. ipse Hallas tulit, atque ibi liberatricem Diuam meritò est venera-
 tus: Cap. xx i v. *Initio lapsus, Diuam virginem Hallis in mente*
habet. Cap. xx v. *Incidit cogitatio illius inclita Hallensis,*
& statim animum eò mittit. Cap. xx vi. *Quid consilij quod bo-*
nus Genius (non ille modò relatus, qui Deum Adorandum sugges-
 sit) *Ioanni iniecit,* Inuocat Statim Diuam Hallensem. Hoc quidem
 Genius, meliùs quam Christus, qui inuocandum proposuerat
 cunctis Patrem Coelestem. Cap. xx v i i. *Solatur & erigit verbis, &*
inter alia dicit, Diuam virginem Hallis coli &c. deinde, *Nihil prius ha-*
buit quàm ad Seruatricem suam venire. Age enim in his omnibus,
 cæterisque quæ persequi piget quæ vsquam Dei partes? quæ cuius-
 quam in eo fiducia, spes, memoria, cogitatio? vbi vel nomen eius
 in tanta precantium periclitantiumque turba fando auditū? quis
 ab eo vel petiit beneficium, vel gratias egit pro accepto? Memo-
 riam eius damnatam diceres, non secùs quàm eorum, qui nihil*

Iere. 17. 5.

testamento legarunt missificaturis, pro expiatione Manium suorum. Vna B. Virgo hæc omnia ad se traduxit, semoto longè filio, Deoque excluso. Quid Virginem dico? idolum debui, illud quod Hallis colitur, quod sacello ibi inclusum, & altari superstans visitur, cui genua curuatur, munera offeruntur. Nec id à vulgo im-

Gregor. P.
lib. 9. ep. 9.

peritorum duntaxat, in quorum gratiam Imagines primitus ab improvidis nouatoribus parùm cautè admissæ receptæque fuere nec tamen vt pro numinibus essent, sed pro libris: Verùm ab ipso pròh Deum æternum, Lipsio, cuius sunt illa ad lignum prostrati cernuique, directâ verba, *Tene ego Diua cerno: te fruer & datur ora*

Cap. 7.

tueri: &c. Suscipe & tibi deditum ô admiste clientem. & hæc horrendi carminis precatio, non iam pro intercessione, sed missis ambagibus, pro salute & vitâ æternâ, *Effice vt momentaneâ hâc vitâ functi*

Cap. 12.

ad illam æternam Te Duce & directore veniamus: quod per illum què genuisti, te què genuisti precamur, ô Diua Diuarum; vt deinceps non matrè apud filium intercedere, sed hunc apud illam pro mediatore interuenire necesse sit: imò nec necesse, cū Marte proprio

Capit. 11.

ipsoque partu mysterium nostræ salutis consummarit. Igitur ô potens, ô benigna, Nos quoque ab eodem fallaci serpente defende. & Quæ Caput eius Semel In sacra Partione tuâ Contriuisti, ne caudâ nos

flagellet aut sternat adiuna & Indulge. Nam hæc qui à matre vel accepit vel expectat ei quid opus est filio? Aut quid necesse fuit Christum Deum esse & hominem, vt moriens eam nobis liberationem pareret, quam pariens peperit Maria? Perge Lipfi, & Diuam virginem tibi Patronam & ducem habe in periculis, in molestis, in omni vitæ cursu: Christum Relinque Nouatoribus colendum, iisque qui ad turbas & exitium Europæ nati, quando & ipse Nouator, Turbo, Seditiosus, Imperatori eidemque Pontifici Romano Maximo contumax rebellisque audiit. Nomē quoque ei in baptismo datū, transcribe matri, & auctori bus ducibusque Iesuitis da te in sodalitium Hallensē, ut iisdem sacris initiati, dehinc pro Christianis dicamini miniore vocabulo **MARIANI**: aut si vis breuius veriusque.

Vnum de medio tollere iſta potes.

En finē fructūq; celebraorū Lipsio miraculorū. En iudiciū Dei in istū, poenāque adfectaræ cœcitaris, & neglecti spretique diuini verbi in ingratissimos mortales, qui viam veritatis ac salutis, non vnde iussi, à Moyse & Prophetis, sed cū impuro illo Diuite apud mortuos quarendam duxere. At nos Deum ducē sequamur ad alia omnia vocantem, & ex oraculis, non Pythijs illis siue Pythonicis & perplexis, sed sacrarum litterarum certis & apertis, istud omnium iam primum addiscamus, defunctos rerum nostrarum necessitatumque nullam notionē habere, & frustra igitur aduocari absentes & ignaros. *Viuentes*, inquit Sapiens, *sciunt se esse mortuos: mortui autem nihil nouerunt amplius. Amor quoque & odium eorum & inuidie simul perierunt, nec habent partem in hoc seculo, & in opere quod sub sole geritur.* & Esaias, *Abraham nesciuit nos, nec Israël nos cognouit.* Quapropter Hulda Prophetissa de futuro Hierosolymorum & Iudææ excidio Iosiam regem consolatur, *Pro eo quod humiliatus es*, ait, *ceram Domino, idcirco te colligam ad patres tuos, & colligēris ad sepulchrum tuum in pace, ut non videant oculi tui omnia mala, qua introducturus sum super locum istum.* Oportetque Ezechias Hierosolymorum euerسیونē clademque diffindi saltem post sua fata, ne videlicet spectator esset aut conscius tantarum calamitatum. Ex quibus locis in hanc sententiam argumentatur Augustinus, *Si tanti Patriarche quid erga populum ex his procreatum ageretur ignorauerunt, quibus Deo credentibus populus ipse de illorum stirpe promissus est: quomodo mortui viuorum rebus atque actibus cognoscendis, adiuvandisque miscentur? quomodo dicimus eis fuisse consultum, qui obierūt antequam venirēt mala? quid est ergo quod pijsimo regi Iosia pro magno beneficio promissit Deus, quod esset ante moriturus, ne videret mala ventura?* &c. Ibi ergo sunt spiritus defunctorum, ubi non vident quacunque aguntur aut eueniunt in istā vitā hominibus. *Quomodo in pace requiescant, si inter sunt miseria viuorum, sicut huic Iosia promissum est, ubi mala vlla nec patiēdo, nec compatiēdo sustineant, liberati ab omnibus malis, qua patiēdo & compatiēdo, cū hic viuerent, sustinebant?*

Deinde cum in suppliciis votisque mens maximē spectetur, quæ nisi pura castaque est, non cultum sed contemptum exhibet, Eccl. 18, 23

& tentat numen potius quàm placat : inde fit vt frustra precibus
adeatur, nisi qui corda scrutari & peruidere possit, an templis ad-
moueat illud

*Compositum ius, fasque animi, sanctique recessus
Mentis, & incoctum generoso pectus honesto.*

Is autem solus est Deus, & loci in eius verbo expressissimi,

1. Samuel. *Homo videt ea quæ oculis patent, Dominus autem intuetur cor.*

16.7. *Præsumptum est cor hominis & in scrutabile, quis cognoscet illud? Ego*
Jerem. 17.9 *Dominus scrutans cor, & probans renes: qui do unicuique iuxta viam*
suam, & iuxta fructum adinventionum suarum.

1. Re. 8. 39 *Tu exaudies in cælo habitationis tue, & repropitiaberis, & facies vt*
des unicuique secundum vias suas, sicut videris cor eius, Quia tu Solus
nostis cor omnium filiorum hominum.

Et Solus ergo Deus est, qui adorantium gestu vultuque ad sub-
missionem composito & effecto falli nequeat. Siquidem vt ait
Lib. 5. c. 20 Lactantius, *Si quis ad sacrificiū nō integrā conscientia venerit, audit que*
illi Deus comminetur, ille qui lasebras cordis videt, qui peccatis semper
infectus est, qui exigit iustitiam, qui fidem poscit, quis hic mala menti,
aut mala preci locus? Cæteri omnes Sancti iuxta & Angeli, si max-
imè preces audirēt, facilimè tamē ab exercitato histrione aut mi-
mo circumuenti delusiue, auxiliū, præsidium, perfugium, & quid
amplius? cælum quoque & vitam æternam indulgerent iis, quo-
rum simulatum & mimicum cultum ipse maximè execraretur,
adeoque nec ratam haberet gratiam à minore illo Diuo vel gre-
gario Genio collatā. Nec stultè nimis sapuisset ille Hybernus, qui
Pog. in fa- *in discrimine maritimo, cum virgini matri vouisset cereū instar*
cet. *mali naus, increpanti sodali clanculum insusurrauit in aures, vix*
candelā sebaceā sese sospitatricem, si semel emerisisset, dignaturū.
Et ille nescio quis Iudæus Maurusue (nō enim memini nunc) qui
inquisitionis Hispanicæ metu, crucifixi simulacro palā totoque
corporis flexu venerationē, at manu sub pileoclām ciconiam ex-
hibuit, nisi quod hic fallere sese putabat sub tunicā, cuius ne pal-
lium quidem ab insensili trunco conspiciabatur. At verò Deus
d. cap. 10. *(inquit rursus Lactantius) cuius cultus quoniam militia cælestis est,*

deuotionem maximam fidemque desiderat, quomodo aut amabit colent
 si ipse non ametur ab eo: aut præstabit precanti quidquid orauerit, cum
 ad precandum neque ex animo, neque obseruantur accedat?

Tertiò, excutiantur libri omnes sacri à capite ad calcem, Nullius
 v spiã inuocationis siue preceptũ siue exemplũ, multoque minus
 promissio opis auxiliue reperietur, præterquàm vnũs Dei huius
 autem omnia plena, vt apud regium Prophetam.

Inuoca me in die tribulationis, & eruam te, & glorificabis me.

Pla. 50. 15

Vt inuocent omnes nomen Domini, & seruiant ei.

Sopho. 3. 9
 2. Chron.
 20. 9,

*Si iruerint super nos mala, gladius iudicij pestilentia & fames, stabi-
 mus coram domo hac in conspectu tuo in qua inuocatum est nomen tuũ,
 & clamabimus ad te in tribulationibus nostris: & exaudies nos. saluosque
 facies. Itẽque, Cum ignoremus quid agere debeamus, HOC SOLVM
 habemus residui, vt oculos nostros dirigamus AD TE.*

Eod. vers.
 12.

Propẽ est Dominus omnibus inuocantibus eum in veritate: voluntatẽ
 timẽtium se faciet, & deprecationem eorũ exaudiet, & saluos faciet eos.

Pla. 145.
 vers. 18. 19

Si quid petieritis PATREM in nomine MEO, dabit vobis.

Iohan. 16.
 26.

*Quod unque petieritis PATREM IN NOMINE MEO, hoc fa-
 ciam, vt glorificetur Pater in filio.*

Idẽ. 14. 13

Quæ igitur isthac peruersitas & insania est, relicto hoc vitæ sa-
 luberrimo & abundantissimo fonte, puteos seorsim fodere per-
 tusos & aquæ minimẽ tenaces? & Deum æternum ad sese tam be-
 nignẽ, tam largiter vocantẽ, tam se facilem promptumque votis
 nostris offerentem, non audire: vocare autem eos qui ipsi nõ au-
 diant, hominum mortuorum siue Manes, siue Imagines? Adde
 quod precatio nutãs vacillansque & fide carẽs non solũ nihil
 exorat, sed est ipsa quoq; peccatũ, vt & alia quę absq; fide fiũt om-
 nia: quodq; frustrã inuocatur, nisi in quẽ creditur, vt adfirmat A-
 postolus. Credi autẽ in vnũ Deũ solũ oportere, qui nõ credit, is ne
 Deũ quidẽ credit. Quid igitur de sanctis dicemus? nisi quod Aug.
*Non sit nobis religio cultus hominum mortuorum: quia si ipi vixerunt,
 non sic habentur, vt tales quarant honores.* Verissimẽ. Nam ut idem
 libi videretur: sibi an tantum Deo suo qui etiã noster est, placeat

Ierc. 2. 13.

Ro. 14 in f

Ro. 10. 14.

De ver.
 Reli. c. 55.

- Lib. 2. c. 18
Ad Ripar.
ep. 53.
Tom. 2. l. 3
hæ. 78.
De imag.
lib. 2. c. 2.
Cap. 42. 8.
Cap. 13. 4.
- Lipſius ſe, ſuamque pennā virginī Hallenſi (religionis ritibus conſecremus? Hic eſt enim Diuinitati, vel ſi expreſſius dicendum eſt, Deitati debitus cultus, vnde Lactantius quoque, Inexpiabile facinus eſſe deſerere viuētem, ut deſunctorum monumentis ſeruias: qui nec vitam nec lucem dare cuiquam poſſunt, qua ipſi carent. & Hieronymus, Non autem, non dico martyrum reliquias, ſed ne Solem quidem & Lūnam non Angelos, non Archangelos, non Seraphim, non Cherubim, & omne nomen quod nominatur (ſiue igitur Virginem dicas, ſiue Diuam aut Mariam, aut Statuam, aut Numen Tutelamque Hallenſem, & in præſenti ſeculo, & in futuro Colimus & adoramus, ne ſeruiamus Creaturæ potius quàm Creatori, qui eſt benedictus in ſecula. Nomina- tim autem de B. virgine Mariâ Epiphanius dicere non dubitauit. Reuera ſanctum erat corpus Mariæ non tamen Deus. Reuera virgo erat, & honorata: ſed non ad adorationem nobis data, ſed ipſa adorandum, qui ex ipſâ, carne genitus eſt. & mox, Quæ verò ſcriptura de hoc narrauit? Quis Prophetarum præcepit Hominem adorari, nedum Mulierem? Item, Si enim Angelos adorari non vult, quanto magis eam quæ genita eſt ab Anna? quæ ex Ioachim donata eſt Anna? Et generaliter Carolus M. Non mediocris eſt error, cum aliud adoratur Religionis cultu, quàm is qui dixit, Dominum Deum tuum adorabis, & ei Soli ſeruiēs. Viſque eò fixum & immotum ſtetit omnibus, illud apud Eſaiam, Ego Dominus, hoc eſt nomen meum. gloriam meam alteri non dabo, nec laudem meam ſculptilibus. & apud Hoſeam, Deum abſque me nescies, & Saluator non eſt præter me.

Deinde ut ad Idola atque imagines, quâ de re agitur, deſcendamus, Quid in totâ ſacrâ ſcripturâ frequētius occurrit, atque inculcatur ſingulis fermè paginis, quàm ne adorentur, colantur, ſingantur, habeantur Religionis ergò pietatiſue obtentu? & en tibi locos ex infinitis per paucos,

- Exo. 20. 4
- Non facies tibi ſculptile, neque omnem ſimilitudinem, quæ eſt in cælo de ſuper, & quæ in terrâ deorſum, nec eorum quæ ſunt in aquis ſub terrâ. Non adorabis ea, neque Coles.

- Deut. 4. 15
- Cuſtodite igitur ſollicitè animas veſtras (non vidiftis aliquam ſimilitudinem in die quâ locutus eſt vobis Dominus in Horeb, de medio ignis,

ne forte decepti faciatis vobis sculptam similitudinem, aut imaginem.

Non facietis vobis Idolū & sculptile, nec titulos erigetis, nec insigne lapidem ponetis in terrā vestrā, ut adoretis eum. Ego enim sum Dominus Deus vester. Leuit. 26. 1

Disipate aras earum, & confringite statuas &c. Non facietis ita Domino Deo vestro. Deut. 12. 3

Cave ne requiras caeremonias earum, dicens, Sicut coluerunt gentes ista Deos suos, ita & ego colam. Non facies similiter Domino Deo tuo. Ibid. v. 30.

Va qui dicis ligno, Expergiscere, Surge, lapidi tacenti. Numquid ipse docere poterit? Ecce iste cooperius est auro & argento, & omnis spiritus non est in visceribus eius. Haba. 2. 19

Quid prodest Sculptile, quia sculpsit illud fictor suus constabile & imaginem falsam? Ibid. v. 18.

Pariter insipientes & fatui probabuntur: doctrina vanitatis eorum lignum est. Ierem. 10. 3

Nec facies tibi atque constitues statuā, qua odit Dominus Deus tuus. Deut. 16. 22

Nec Idololatra estote, sicut quidam eorum.

Dilecti mei fugite ab Idololatriā.

1. Cor. 10. 7

Ibid. v. 14.

Filioli caute vobis ab Idolis.

1. Joh. 5. 21

In quibus locis similibusque aliis primū notandum, Scripturam promiscuè vti vocabulis, quæ dolum, Imaginē siue sculptam seu pictā & quodlibet denique simulachrum, quod proponitur colendum, designant. Deinde Dominū vetare adorari, non Imagines duntaxat, Iouis verbi gratiā, aut Mercurii, sed & eas quæ in sui cultum eriguntur, cum ait, *Non facies similiter Domino DEO tuo.* Ac ne in verbis cauillandi occasio aut latebræ quærantur, inclinationem cultumque omnem disertè prohibet; quemadmodū ait de his, qui in cultus sui puritate perstiterant, *Eos non incar-*

*lita; quæ essent aut incultus lapis aut materia informis & rudis nisi fuissent ab homine formata. Similiter Agobardus, Cerè si adorandi fuissent homines; viui magis quàm picti, id est, ubi similitudinem habent De pictur. Dei, non ubi pecorum, vel quod verius est, lapidum siue lignorum vitâ P. 250.
ratione, sensu carentium. Hæc tu Lipsi audis? & ad te pertinere sentis? qui ante ligneam Hallis statuam pronus prostratusque, & supinas manus ad Idoli genua protendens, illa ora, quæ non vident, salutare, illisque auribus, quæ non audiunt, surdas occinere versu prosæque nænias, ac te denique & adfectus & pennam suspendere stipiti, idque ipsum vltro testatum facere & vulgare ad fines terræ sustinuisi? At*

Non saxa nudis surdiora nauitis

Neptunus alto tundit hybernus salo,

quàm vel illam tu votis, vel te nos monitis nostris obtundimus frustra & fatigamus, Si tamen non adgnoscis; adgnosco ego veritatem Oraculi, *Simulacris similes fieri tam eos qui faciunt, quam omnes qui confidunt in eis*, Et nihil ominùs sentiēt concludētque mecum omnes, quorum iudicium fatalis vltio non corrumpit, quosque Deus non dedit in reprobum sensum miracula tua, quæ ad tam foedam idolatriā; pudendamque à vero Deo defectionem deducunt, ex ipsa tuâ Notâ, nec vera esse nec Diuina, sed vt suprâ docui, aut hominum figmenta, aut Dæmonum malas fraudes & frustrationes, aut si quid maximè insit nonproprus ab omni veri specie alienū, id ipsum, permittente ita Deo & contēptim habitum suum verbum iustè vindicante, à Diabolo conflatum esse, ad homines in errorum abyssum, perniciemque æternam conuiciendos, & constabiliendum regnum magnæ Meretricis.

Pap. Negare non possum, cùm in ea intueor, quæ ex sacris

lis semperque multo cum stupore defixa, ne semel quidem dvie-
as attollere sese alius, aut Creatorē compellare, vel nominenu-
do vocēue ciēre. Et forsitan modum excesserit, amore atque ardo-
re deificandi vitæ suæ Patronam. Sed quid obstat tamen, quò mi-
nus veri illius Dei veri adoratores, etiam beatarum animarum,
quæ nunc in cœlis conspectu Dei præsentiaque propiùs fruuntur
preces auxiliatrices adhibeant tamquam in subsidium & admini-
culum ad expugnandam eiusdē benigni Patris misericordiā, qui
gaudet vel importunâ flagitari assiduitate, & mutuarū inter nos
precum auctor suasorque fuit? Facilitatū id piis maioribus, exem-
plo haud dubiè ducto inde ab Apostolicis primisque Ecclesiæ
Christianæ temporibus. Nec crediderim facile aliā Lipsii mentē
sensumque fuisse. Ac video in ipsius B. virginis sinu brachiisque
infantum Christum, eiusdem cum matre honoris cultusque
perpetuo & præcipuo iure participem.

Chr. At mihi quidem primū spem & fiduciam in B. virgi-
ne ponere, eam pro servatrice vnicè habere, defensionem à fallaci
serpente, & salutem vitamque æternam prece non obliquā o-
rare, haud paullò excedere fastigium videntur simplicis pro iu-
uandis coniungendisue precibus compellationis. & velim scire
quid amplius maiusue deferri Domino possit, si talia competunt
in servos? quidue hinc excipi, quod Deo servetur extra sortem?
Deinde ut hæc ita senserit Lipsius, attamen iam suprà confectum
nobis scripturæ locis omni luce clarioribus, Sanctos, qui cœlo ex
his ærumnis recepti sunt, nec scire omninò quid hîc rerū geratur
nec in corda cogitationesque tacitas penetrare, nec in confortiū
diuini cultus adsumptos, quin signāter etiam exclusos esse ab eo,
qui negavit, gloriam se suam cessurum alteri: minimè verò omni-
um, intercessorū mediatorūve munere defungi pro nobis posse,
qui honos vnus sit Christi peculiaris & proprius. Ipsum audi,

Nemo venit ad Patrem nisi per me, & Apostolum,

Virig, per ipsum habemus aditum, per vnum spiritum, ad Patrem.

In ipso habemus libertatem & auditum cum fiducia per fidei ipsius.

Quod si quis peccaverit, advocatum apud Patrem habemus Iesum

Christum

Ioh. 14. 6.

Eph. 2. 18

Eph. 3. 12

1. Ioh. 2. 1.

Christum iustum.

Christus is est, qui mortuus est, imò verò etiam qui excitatus est, qui etiam est ad dexteram Dei, qui etiam postulat pro nobis.

Rom. 8. 33

Vis & adstipulatores Patres? accipe Augustinum, *Hoc dicit Saluator tuus, Nò est quò eas nisi Ad me: nò est quà eas, nisi Per me & rursus, In ònibus orationibus suis de Vno Mediatore securi sint: ipse Vnus pro omnibus interpellat, & Vnus verusque est mediator.* adde Chrysostomum, *Nullus precum effectus, nisi quas Dominus Deo Patri commendat.* Nam de Imaginibus atque Idolis vbique magnà cum ex-

In Iohan.
tract. 22
Contr. ep.
l. 2. c. 8.

in iohan.
hom. 1

ecratione interdictis à Deo detestatisque dicere iam & priora repetere piget. Nisi puod placet tamen argutia tua, quâ ex Idolo simplici geminum effecisti, & partem honoris materni deriuasti in prolem, Consimili enim ratione Equus Georgii vnà cum infessore suo adorabitur, & Antonii candelas participabit Porcus, venerationique erit Leo cum Marco, Vitulus cum Lucâ, Bos & Asinus cum imaginibus Iosephi & Mariæ, ipse denique Diabolus cum Michaële. Porrò de intimo Lipsii sensu quid ipse sentiam, superius explicauì: Videri ipsum virginem matrè, Christumque filium, ac lignû Hallense haud magno in discrimine ponere, nec dubitaturû, si res ferat, his omnibus præferre sacrorum omnium principem patremque Papam. Verba quidem quæ audiuiisti, nihil habent obscuritatis, h. e. sunt apertè prophana & impia. Semel in toto opere mētio ei excidit Orationis Dominicæ, sed ita vt in cō-

Cap 22.

tinenti Saluatione Angelicâ vim eius dilueret & eneruaret, quasi hæc verò vel quidquam commune cū precatione haberet, vel eâ mente finique pronuntiata foret, vt per eam precantium attentio sufflaminaretur. Et quid porrò? vtramque vult recitari honori B. virginis, absque hoc condimento, quod Christus per obliuio-

Indulset Caesar quæ Claudius omnia, quorum

Paruis imperiis uxorem occidere iussus,

vsurpatâ sibi dominationis vniuersæ vi & potestate, nomen titulumque inanem penes herum reliquerunt, Augustum & rerum Dominum dici haud ægrè passi: sic ipse B. Mariam *Calic, terre, maris Reginam ac Dominam*, non iure optimo maximo, sed veluti lege quadam clientelari, beneficiariam & obnoxiam constituerit: quæ mundi gubernationē iurisdictionemque demandatam publice priuatimque per se obiret, causasque & postulata singulorū cognosceret, & poenas ac præmia pro arbitrio nutuque decerneret, cæterum Dei numen aliquod supra se adgnosceret, atque eius maiestatem comiter conseruaret.

Dixi se minorem quod gerit, imperat.

Cranz. l. 4.
Wandal.
c. 25.

Cuius rei aptius in præsentia exemplum non occurrit, quàm Nicloti cuiusdam Obotritorum Reguli, cuius ad Henricum Leonē Saxonie Ducem eiusmodi responsum celebratur, *Sit Deus (quem nos quoque in cælis regnare credimus) Deus tuus; tu verò es! Deus noster, & sufficit nobis. Cole tu illum, quàm voles religiosissimè; nos te venerabimur.* Verum enimverò in omnib. Claudianorum Libertorum actionibus, Cæsaris, Augustique, & Claudii tremenda ubique nomina personabāt, & sacræ iussiones prætendebātur passim: neque cum seruis & subditis Imperii species titulusue communicabatur, & qui non in propriâ pelle quiescerent, nominis tamen sui metas haud excedebant: hinc Dei nomē exauditur parcius, virgo Mariæ cuncta perstrepunt. vt non immeritò infelix Christi simulacrum conqueri cū M. Bibulo C. Cæsaris in ædilitate Collegâ posse videatur, idem sibi euenisse quod Polluci. Nam sicut istius cum fratre communis in foro ædes, solius Castoris vocabatur: ita gratiam suæ & Matris munificentie ad hanc solam commigrasse.

Sueton. in
Iul. c. 10.

Lib. 2. c. 17

Hanc huius mundi regiminis formam Lipsi; libellus fabulosus fabulosam exhibet, à quâ nimium quantum abit & dissidet sententia diâ Lactantii, *Sic mundum regi à Deo, dicentis, vt à Rege Ætore prouinciam, cuius apparitores nemo socios esse in regēdâ prouinciâ dixeris*

dixerit, quamuis illorū ministerio res geratur. Et hi tamen possunt aliquid præter iussa Rectoris per ipsius ignorantia, quæ est conditionis humana. Ille autem Praeses mundi & Rector vniuersi, qui scit omnia, cuius diuinis oculis nihil seipsum est, Solus habet rerum omnium cum Filio potestatem; nec est in Angelis quidquam nisi parendi necessitas. Itaque Nullum sibi Honorem tribui volunt, quorum Honor in Deo est, iam ad morem maiorum, exemplumque Apostolorū & priscæ primæque Christianorum Ecclesiæ quod attinet, quo tēpore,

— Nec turba Deorum —

Talis, ut est hodie, contentaque sidera paucis

Numinibus, miserum urgebant Atlanta minori

Pondere: —

Si euidentissima S. Scripturæ & purioris veriorisque antiquitatis Patrum, quæ modò audiebas, oracula nondum satis absterferunt ab oculis tuis eam, Quam stellis nebulam spargere candidis potuere fabulosa Lipsii & aliorum Papæ mancipiorum commēta & impudentes gloriations; adiciemus si videtur, quæ de hac re plenius perfectiusq; executus est ille, quē nominaui dudum, priscæ puritatis fidus illustrator & adsertor inuictus,

Is veteres auias tibi de pulmone reuellet,

& in clarâ tranquillâque luce collocabit, quod ille olim de Repu.

id ipsum hodie de Ecclesia Romanâ dici verissimè posse, Eam Sallust. in |
Paullatim immutatam, ex pulcherrimâ pessumam ac flagitiosissimam Catelin.
factam esse.

Tu modò da tenuis aures, animumque sagacem,

Vera repulstanti ne abscedant pectore dicta,

Tu temet in culpâ cum sis, ne cernere possis.

Pap. Eccum me autem porrò & attentum & docilem. Nam
ne quid dissimulem ultra hæreo pridem, & quàm magis quæro

nō inexploratā dimittere: sed quod facerē, si quis hæreditatis aut
legati controuersiam mihi mouisset, ut non tantum tabulas re-
stamenti adire ipse & rimari cuncta, sed & peritos consulere &
variorum varias sententias cognoscere cuperem, quoad de iure
meo certò mihi liqueret, idem multò magis hîc experiri, ubi
domus aut fundus agitur, sed beatifudo aut exitium
m.

FINIS,
W

